

四庫全書

史部

欽定四庫全書

史部

硃批諭旨卷一百二十五之八

臣 永瑤 恭 校

編 修 臣 裴 謙 覆 勘

總校官中書 臣 朱 鈐

校對官中書 臣 陸 湘

謄錄監生 臣 李廷讓

欽定四庫全書

硃批諭旨卷一百二十五之八

硃批鄂爾泰奏摺

雍正六年八月初六日雲貴總督臣鄂爾泰謹

奏為恭謝

聖恩事雍正六年七月二十四日臣齋摺家奴蒙

恩賞給驛馬齋回

御賜臣

欽定駢字類編全部共二十二套玲瓏囊花牙毬一盒
果乾糊條共一匣乳餅酥食共一匣蓮心茶一瓶
抵滇臣隨郊迎至署恭設香案望

闕叩頭謝

恩祇領訖敬啓摺扣跪誦

硃批矜憐倍深體恤備至伏讀屬員之衆焉能處處事
事得人而用之等

諭伏讀非本心怪卿實為卿將來易於舉劾他人不得

議論之意等

諭不禁淚下莫能自解竊念_臣受

恩深重中外共知即果係_臣之小疵亦可供人之議論

_臣若不小心敬慎時刻省惕致多過愆為他人議

論或更有忍心悖理之人以得議論_臣之故並私

議論

聖主用_臣之誤則_臣死不足以贖辜為天下後世之罪

人每念及此實寤寐難寬勉之敬之

慈訓當事事理會處處體認斷不敢少有輕肆以自甘
背負也至於川省會兵之役沿江堵禦原有官兵
足用即雷波土司楊明義不過一乳臭蠻童努力
進勦立可就擒獨涼山冕山賊蠻直踞建昌永北
各邊通連喇汝窩打箭爐一帶獷悍已久斷難施
撫若不用全力期在必靖終難一勞永逸臣接准
部咨業立檄哈元生領兵先行限於八月十五日
到界總兵張耀祖復添帶該鎮兵五百名於八月

初二日起程限於八月內到界一聽川提

不論遵前後二次之旨可黃廷

桂調遣並詳細諄囑示以此舉名係堵禦實須會
勦毋得因事屬川省少有推諉情事協力同心四
字臣務當以身倡之以仰副

聖諭專候捷報之至意而張耀祖哈元生等叨蒙

異數榮幸無似自必奮勉圖功料不敢少有岐視耳合
併陳明為此繕摺恭謝

聖恩伏乞

聖主睿鑒臣謹

奏

覽

同日又

奏為奏

聞事竊照粵西土目顏光色等不法提臣田畯發兵擒
勦該將等日久不能勦滅惡焰愈熾據右江鎮總
兵官段宗岳移會安籠鎮廣南營府發兵會勦臣

行安籠鎮及廣羅協廣南營各撥發官兵前去堵禦協擒兩經具摺

奏報訖安籠鎮總兵官蔡成貴以粵兵懦弱黔省兵單恐不能成功自願親往調度業據

題報起行在案今於八月初一日據蔡成貴呈稱七月二十三日據遊擊賀成田昌友稟報本月二十一日有右江鎮令職等三路進兵業已稟報二十一日卯時分派職等率兵照依左右山梁攻進守備

李友仲督礮攻取賊兵礮臺自辰至未與賊對敵
已攻到八達寨腳詎知粵西各路兵丁四山觀望
不前離寨十餘里放礮虛應故事未臨賊寨即先
奔潰以致賊兵四路圍遼將職等困於寨腳垠下
致害官兵職等奮勇攻出魯土土兵雖同攻打見
賊圍遼各自奔走不行援應所以守備李文仲把
總王承文在陣身亡千總袁登貞陳思儀皆帶重
傷陣亡兵丁二十六名帶傷兵丁五十四名陣亡

土兵十三名帶傷土兵四名另開清單呈閱等情
據此查兩遊擊領兵赴粵會剿逆獮本職嚴諭相
機行事務出萬全已非一次後本職有定期

題報親赴調遣之舉又經三檄兩遊擊如果勢孤兵
單毋得輕進靜候本職到日籌畫再攻及本職起
程後行至馬鞭田據兩遊擊稟報奉右江鎮軍令
訂期於二十一日卯時兩下會兵四路攻剿接閱
之頃復以粵西官兵雖訂定日期會剿臨時斷難

策應又飛檄行知去後不料二十三日行至壩榜
地方據該遊擊等稟報殺害官兵不勝駭異此實
由粵西領兵官常顯虎左吉等不遵分路會攻原
議始則袖手旁觀繼則率兵奔潰以致我軍進退
兩難勢孤失事今據前情合先咨呈等情又於八
月初四日據右江鎮總兵官段宗岳呈稱統兵勦
擒顏賊一到八陽即咨請雲貴附近官兵會合原
為賊巢居險肆行猖獗也茲於七月二十一日議

以三路進取本職督同左右兩江官兵取賊右平寨田昌友等取賊左平寨遊擊左吉土田州等取弄高寨俱係中間賊寨山橫箐密非若平荒大野一目相顧者比我兵奮勇進攻俱難近寨恐兵丁進老退之不及頻用大礮施放賊仍不畏詎意田昌友等輕敵進老其師遂致有失本職督令官兵奮攻賊寨賊多潛藏密布鎗弩於箐林我兵一進鎗礮齊舉兵丁傷死者十人帶傷者二十人急遣

遊巡兵馳救施放沙礮打死賊六人始得漸次以退猶令於八陽河北遙作復進之狀以待田將兵退今田將等反欲誣飾却過理合咨呈等情又據該鎮密札稟稱粵兵怯懦土兵貳心本職初到實無可如何在安籠官兵業已奮勇攻上弄高賊寨燒著排柵而攻礮臺之土兵見賊放鎗即行飛退弄高賊寨併力推來各路粵兵望風即走若不懇請添撥附近精銳官兵以為後勁則止賴粵兵即

本職之後事亦不知何如等語前來除咨貴州提
臣楊天縱就近撥發官兵并行廣羅協廣南營添
撥官兵土勇多帶大礮令該副將楊洪統領飛往
八達後路併力會勦又照會曲尋鎮撥兵三百名
令遊擊顧純祖統領前往土黃泥硎一路斷賊糧
道并行安籠鎮俟續撥兵到再行訂期相機進取
並查遊擊田昌友等是否粵兵不行應援以致兵
敗抑係冒險貪功以致失事俟查覆到日據實

題奏外臣查粵省官兵廢弛畏縮由來已久此隣省所共知亦本省所不諱今以粵兵數千之衆加以黔省協濟之軍並不能破一土寨三戰三敗粵省如顏光色者尚不下數十寨若羣起效尤粵民何以安枕臣自聞粵兵進勦日為籌思每接稟報竊一切機宜遵旨通飭行不勝憤恨茲雖未便明檄通飭已嚴行滇黔領兵鎮協并切札段宗岳令伊等先斷賊糧路截其附從絕其聲援次攻毀其礮臺填塞其陷坑將官兵

布置嚴密用大礮火箭四面環攻計賊不過數寨
衆不滿二千一鼓成擒料可預定俟滇黔官兵到
齊是何進取另繕摺

奏外所有安籠官兵傷亡情由合先奏

聞伏乞

聖主睿鑒施行臣謹

奏

覽廣西兵將既如此伎倆卿當獨任料理之

同日又

奏為八寨生苗招撫完竣事宜仰祈

睿鑒事竊

臣

委令貴州按察使張廣泗帶領官兵前往

古州等處招撫生苗該司以八寨乃生苗門戶先
應開通各苗聞風嚮化惟楊牌等寨頑梗拒敵官
兵該司等率兵擒斬首兇逃竄各情形經

臣

奏報在案茲據張廣泗呈稱八寨生苗倚恃苗寨衆
多不遵約束由來已久今既開通以及附近新歸

生苗週圍地界約三百餘里共大小一百九十四寨計四千六百餘戶是當議設營汛以為善後防維其次則使認納錢糧俾知任土作貢之義惟是此等苗寨歸附之初不能家喻戶曉必須齊集細為開導庶彼等同時觀感知所遵守查都勻地方向有合榔之舉隨先期傳示預備賞需於六月二十九日在通達寬展之龍場一處舉行合榔齊集各寨苗頭並老少人等公同在事文武各官敬宣

皇上如天之仁曉以法紀示以利害指以設營之處並使其認納糧賦雖係蠢爾頑苗聞聽之下俱各懽欣凜戴毫無疑畏當據議定銀米數目割具木刻復詳加詢問逐一獎賞暨將認定錢糧填註告示給領共計所認條銀四百六十七兩二錢零秋米二百二十八石零照依定則於未米收熟時即行上納其應設營之地躡勘得八寨適中一處在楊牌楊堯等寨之間地勢高敞平整四顧寬裕兼可

俯視諸山以之設營實為控制相宜更資都黎臂
指至楊牌楊堯二寨於官兵初到敢行抗頑但經
本司查明倡謀糾衆者每寨只二三頭人所為其
餘各寨以及本寨之人均係挾制附和續據求撫
隨諭務將倡謀之犯獻出軍前餘人方准宥免今
該犯等畏罪潛逃躡查尚無踪跡而二寨餘人已
知畏威悔懼哀懇招撫除倡謀之方金阿舍等犯
仍令跟拏務獲解究難以原恕外此等餘人既屬

無辜咸來歸附皆為赤子不便因罪犯無獲致使
流離應准其招撫認糧予以復業又番仰番扛等
寨住居險峻素日貽害苗民今經懲創則應設立
防汛或招漢人填實其中毋使再為盤踞但據前
來行營悔罪求撫認納錢糧并呈繳鎗礮甲械甚
為迫切查該寨等肆惡已久法難姑貸然其從前
過犯實緣向居化外未通聲教所致且已知所做
惕應槩予准撫庶恩威並濟仍於其地設立汛

以資彈壓以漸收其革面革心之效除善後一切
圖維及應設營汛官兵數目作何分轄治理以資
教養約束等事宜統俟清理各郡苗疆告竣之日
公同各處文武總核情形從長妥擬另行詳請舉
行所有八寨等處並生苗歸誠各寨編過戶口認
定錢糧細數現在造冊移送布政司糧驛道備查
外合將開通招撫八寨等處生苗事竣緣由先行
申報等情到臣該臣查得八寨生苗既知儆惕得

予生全自應漸革悍頑不敢復逞故習以此恩威
並用再加善後防維不獨八寨等處可成樂土而
凡接壤苗夷聞風觀感自必接踵輸誠查都勻之
八寨為生苗之門戶凱里之丹江為生苗之關隘
鎮遠之九股為生苗之窟藪而黎平之八萬古州
為諸苗隔截遂居然外域今八寨地方既經開通
招撫即應進次丹江乘機化誨丹江一定則隨至
九股勦撫並行然後再進古州布置妥備通盤合

計定議添設文武安立營汛庶此一舉可以垂示
久遠除行張廣泗遵

旨從容辦理俟大局既定即赴巡撫新任并詳細叙札
切囑慎重外所有八寨開通招撫完竣事宜合先
奏

聞再 臣前摺荷蒙

硃批委趙宏本往黔是當之極張廣泗已擢用貴州巡
撫此奏到又有旨命沈廷正仍在黔署理俾張廣泗

得以從容辦理成此美事似此破格任事之人如此
破格擢用如阿克敦常賚因循欺隱之輩亦即棄而
不用方可以革除積習不然誤國計民生莫有甚於
此二弊者欽此竊念張廣泗以一知府不二年間叨
荷

殊恩破格擢用巡撫感激奮勉自屬天性中事況

聖主之用人行政如日在天中無人不見盡力者以小
臣驟至封疆昧心者以大吏立置廢棄百爾臣工

即不明是非亦應知利害而因循欺隱之習猶未能盡革者臣殊不解其何心也張廣泗具有肝膽人亦聰明斷不敢自蹈二弊但由本省知府陞任本省巡撫文武屬員皆舊係同官或恐避得新忘舊之物議礙難破面過於謙和則亦非苗疆政治所宜臣料化苗之役大約九月內可以完竣俟沈廷正到滇任事後臣即赴黔省會同張廣泗商辦一切善後事宜並諄切規勸俾先破除俗見然後

得以施設此又不得_{其是}不過慮者也合併

奏明伏乞

聖主睿鑒施行_{臣謹}

奏

覽

雍正六年九月初三日雲貴總督_臣鄂爾泰謹

奏為恭謝

聖恩事雍正六年八月初十日_臣齎摺家奴蒙

恩賞給驛馬齎回

御賜臣新花樣紗五疋蜜荔枝一餅人參笋二匣抵滇

臣隨郊迎至署恭設香案望

闕叩頭謝

恩祇領訖敬啓摺扣伏讀

殊批仰窺我

聖主用人行政如鑒如衡大小短長各因其器而敬

天勤民時厯宵旰萬里之外共見共聞臣每捧誦數四輒

不禁感極涕零固不獨為臣之一身受

覽卿奏謝矣

恩深重自蓄激切之私誠已也今歲直隸各省春秋兩

熟在

天恩之浩蕩何莫非

聖心之感通而雲南全省豆麥蕎稻遍處豐收較去年

尤盛即劍川口外一帶地方苦寒素難望歲今據

駐劄各員并來往差弁咸稱自中甸直至阿壑子

俱有十分收成因天氣和暖並王瓜菜豆亦皆出

產等語且昆明大理臨安等各處海田向因雨澤
霑足海水即多漲漫率以半收為十成今歲潮水
未上田禾壯實穀穗堅好下垂即各處報稱一年
足抵三熟農民懽慶以為從來所未有此固

一人之精誠畀百蠻以嘉惠身非蚩氓敢或忘

實慰朕懷

帝力哉至於臣職任巖疆心長力短時恐隕越上負
殊知乃二年以來屢荷

聖恩賞給世職至頭等阿達哈哈番加至十二級捫心

自揣倍深慚懼茲復於八月二十八日准兵部咨
米貼夷變臣請議處一疏奉

旨郭壽域乃一勇敢無術武員祇因輕視賊苗被其詐
誘以致受害非鄂爾泰調度之誤今已將逆賊渠魁
擒獲地方悉行撫定功過較之有功無過不必交部
察議欽此欽遵等因行知到臣臣承奉之下銘心鏤
骨實莫可名言伏念苗獠邊荒獷悍日久反覆靡
定若與性成凡新撫之地皆不能保其小無變動

惟應留心駕馭冀其漸摩並時刻防範若知其必不能相安反不如速令發露及今懲治免貽後患然而條例所關各不無瞻顧故聰明者斷不肯擔承才幹者亦不慕容隱且謂在任不三五年何必作十年計以自取煩擾凡此流輩皆自以為解事知機而殊不知挾私忘公負

恩曠職實與貪污廢弛者等且尤倍甚者矣在臣矢竭血誠原不敢少有顧慮但非仰賴我

聖主訓誨詳使臣知所自立矜全備至俾臣得以有
為則滇黔蜀粵一切苗疆勾當臣亦必不能任一
事人或以臣為好事或復以臣為能事皆不知

天心之裁成鼓勵有以驅之使前而不自甘暴棄為也
為人之道只可盡此心以對越
感極奮極淚迸汗下用敢攄心吐膽瑣屑備陳謹

天地神明不愧衾影耳至於物論只可聽之若少回互瞻
顧則一步亦難動轉矣原不必介意者
聖恩伏乞

聖主睿鑒臣謹

奏

覽

同日又

奏為恭謝

聖恩事竊照滇省糧條稅秋耗羨及核定公件節禮等

銀臣遵

旨將應給各官養廉并存留各屬辦公之項與司道均
勻酌定寬裕留給并聲明臣與撫臣衙門各有養

廉銀一萬七千兩儘足敷用緣由具摺覆

奏荷蒙

硃批甚屬公當但總督所需甚繁而巡撫養廉過多西
安巡撫養廉亦只萬金滇撫一萬二千兩足矣其餘
五千金添為總督養廉之用可遵旨行此巡撫養廉
必揚名時無恥之議也欽此欽遵臣隨抄摺檄行布
政司移行遵照在案伏念臣素守儉樸原無奢費
且家口無多養贍甚易計一年上下衣食幕客修

金各項共不及六千兩其平常資助弁員犒賞兵丁及些微捐貼亦不過二三千金緣二年以來時有軍務並查拏等事一有調遣須先行酌賞以示鼓勵及事竣回師凡奮勇效力弁兵給賞銀兩馬匹紬緞等件斷不可少且不宜輕而各鎮諸臣凡奉委勤勞臣仍各有幫助故所得養廉儘支儘用畧無存留若仰賴

天威諸事漸次平定即此一萬七千兩已屬寬裕仍有

餘剩茲奉

諭旨賞給五千兩為總督養廉之用臣已行知布政司

將此五千兩存留司庫如臣需用實繁原有養廉

不敷再行支動若無所需用即留司充公以備地

方要務臣為兩省表帥斷不敢小意節省亦不敢

無端濫費以虛糜

聖賜也為此繕摺恭謝

聖恩伏乞

睿鑒臣謹

奏

御酌量為之

同日又

奏為報明會勦西隆叛目情形事竊照粵西八達寨
土目顏光色等肆橫不法該省發兵擒捕屢被殺
傷右江鎮總兵官段宗岳移文安籠鎮廣南營府
撥發漢土官兵堵禦會勦安籠鎮先去之官兵亦

被殺傷據該鎮總兵官蔡成貴呈請添撥官兵臣

隨咨會貴州提

臣

楊天縱就近撥發并行雲南廣

羅協廣南營府添撥官兵土勇多帶大礮令該協
副將楊洪統領飛往八達後路堵截相機會剿又
照會曲尋鎮撥兵令遊擊顧純祖統領前往斷賊
糧道飭安籠鎮確查遊擊田昌友等是否貪功冒

險以致失事即經

奏報在案八月初六日據蔡成貴呈報該鎮帶兵共

三百五十名土兵七百五十名率領前進八月初
八日准提臣楊天縱咨會已檄調提標安順長寨
等營官兵七百九員名前去據廣南府知府賈秉
臣廣南營叅將馮鸞聯銜報稱酌調土勇二千名
給委土目陸尚安陸尚貴帶領復差千總高長生
帶兵監同督率又據廣南革職土同知儂繩英之
子儂振喬情願效力職等復聯銜給委選帶土勇
二千名酌遣把總王玉林帶兵監同督率俱往八

達統聽右江鎮調遣又於八月初十六等日據
廣羅協副將楊洪報稱職協前後共調兵五百名
除千總黃士玠已領鎗手二百名前往外今職親
身帶領千把楊文舉郭玉貴兵三百名又五嶠土
兵三百名礮八位於八月初六日自廣西府起程
前往粵境會勦途次法白據軍前千總黃士玠稟
稱八月初三日儂振裔陸順達領土兵甫到八陽
右江鎮遂於戌時傳令會兵丑時攻打千總帶兵

率廣南土兵過河攻至聖邊而粵省官兵直至辰刻尚未下山八達逆黨蜂擁前來千總與兵丁奮勇力敵自午至申傷斃兵丁一十四名重傷者三名傷死土兵二十六名又准右江鎮移開據廣南營把總王玉林到八陽面稟云奉委監同儂振裔帶領土兵前來聽候調遣初四早齊到八達山後割營本鎮見得後路要緊賊徒性悍土兵先到營壘未備隨傳令各路漢土官兵分路攻進又令廣

羅官兵二百名同陸尚安土兵攻賊西邊礮臺以分其勢俾廣南土兵得以安營下寨詎料賊多譎猾先於深箐中埋伏數百人候土兵劄營之際突出齊攻土兵不備不能抵敵本鎮速令攻打西後山礮臺之兵奮勇衝敵傷死賊二十餘名救出漢土官兵過河復於八陽山後屯劄等情轉報到臣聞報之下實不勝憤恨以么麼小醜而屢挫官軍將士何顏邊疆何賴况八達賊寨只五六百戶

壯丁不過千人若使粵員預有籌畫先安撫附近
各寨絕其黨援奮力速進亦何至猖獗如此敬誦

臣
摺

硃批前田畯奏聞舉行此事朕即恐其料理未必妥協
况撫臣又係阿克敦乎此田畯一面舉行一面奏聞
一面知會孔毓珣之事所以不得其人諸事不可舉
也欽此臣看粵西諸臣獨孔毓珣可資料理然而駐
劄遼遠呼吸難通臣若復避越俎之嫌不身任協

辦恐愈緩愈熾反難擒制因不得已明檄通飭大意謂土兵新到尚未安營即何得黑夜傳令驟督進攻況以進攻為安營之計尤所未聞且此等埋伏皆不能料是智短於賊何以勝賊今貴州漢土官兵令只聽安籠鎮調遣廣羅協漢土官兵令只聽副將楊洪調遣右江鎮如有會合應知會該鎮協遣發務須和衷妥商然後進取再粵賊狡獪多設伏陷應先偵探確實四面布置各於通達賊寨

隘口十數里以外斷其糧路一月以後三省約齊
各離賊寨三二里以外劄營計我軍大礮可以打
寨賊寨鎗弩不能到營只用大礮環打漸次逼近
看賊勢不能支再用烏鎗連環排進仍用大礮打
寨用火箭燒房併力齊攻自可一舉成功若毫無
定算徒以躁氣乘之在官兵奮勇殺賊雖死有餘
榮而屢損軍威徒長賊志將何所底止總之立於
不敗之地而後可以戰料有必勝之勢而後可以

攻機無可乘不妨緩待勢料可圖務須神速本部
院職任隣封誼同切膚況皆屬

王事何敢分彼此倘嗣後仍敢畏縮或復躁妄軍法胥
在干係匪輕等語除照行右江鎮安籠鎮廣羅協
遵照外并咨會廣西督撫提及雲南撫提去後復
隨差臣標把總李顯解送火箭三千枝火毒瓜礮
二十二箇軟攬牌一百面前赴軍前分交收用訖
至八月二十四日據蔡成貴報稱因聞八達附近

夷寨誓死合黨若不散率難撲滅本職於起程
日即發牌示分頭招撫八月初四日前抵八達相
度賊寨獨踞山中黔粵營壘高劄山頂官兵稍有
舉動賊人皆知預備匿形以少應多所以屢遭挫
折俟滇兵齊集扼其後黔兵分布攻其前使賊衆
四顧莫及破之實屬不難初六日據差通事帶泥
硃助賊頭目抱表等八人到營投順并幫兵效力
又花貢各寨率衆開路當賞花紅牛酒給示免死

俱各悅服初七日光色光東等到本職營盤山脚
大呼饒命本職恐土酋狡詐鎗礮逐去初八日伊
等復率衆前來極口稱冤懇求伸雪死亦甘心且
有情願歸黔不願歸粵等語又將盜去馬匹遺失
器械逐項投繳本職思勦之止戮其身撫之兼服
其心除其首從徙其餘黨懲勸並施恩威兼濟雖
粵民素多頑梗藉此亦可化導倘陽奉陰違以緩
我師則剋期會勦合寨誅戮可謂殺之無怨俟投

到再報等情

臣

查顏光色等兇惡橫肆為粵害已

久今見滇黔兵勢期在必勦遂爾極口稱冤大呼
饒命又有願隸黔不願隸粵之語此固計窮力盡
欲尋生路而亦勢不得不出此隨札覆蔡成貴若
果顏光色等自縛投見即應受降審問實情具報
如不自出僅差夷衆傳稟斷不可輕信務當神速
取之以完粵案去後適八月二十九日據廣南府
知府賈秉臣叅將馮鸞稟稱據軍前把總王玉林

等稟報本月二十二日八達寨知官兵齊到必欲
屠寨遂將顏光東殺死顏光色業已脫逃即夜又
將顏光色殺死等情除再飛行該鎮等確查公驗
此言朕尚信不及若果如此又出朕之望外矣
是否果係光色光東抑或頂替搪塞并嚴拏兇惡
安撫附從據實速報外所有會勦情形及欲行投
降首兇就戮緣由合再奏

聞伏乞

聖主睿鑒

臣謹

奏

專候捷音

廣西一切吏治營伍廢弛不堪朕欲將廣西就近撥入雲貴命卿總督之俟八達事畢另發諭旨郭銍甚好卿與之商量料理可望起色田峻柔善平常人不宜廣西提督之任張耀祖可勝此任否若亦勉強則滇省數總兵內孰可勝任據卿所見奏來朕再斟酌

同日又

奏為丹江生苗不服化誨添撥官兵勦撫事竊照貴州陞任按察使張廣泗前往都勻八寨等處招撫生苗悉行歸誠編過戶口認定錢糧造冊申報通達丹江各寨生苗應再設法開撫業經具摺奏

聞續於八月十一日又據張廣泗驗報七月二十四日帶領官兵前進及抵枯桐隘口頑苗施放鎗礮敢於堵截隨發兵攻打至二十五日正擬遣差通事人等復為化諭乃頑苗等敢於糾衆分兩路前來

迎敵隨分遣官兵追殺退散二十六日頑苗又分
四路前來復遣官兵抵禦追殺頑苗仍披靡敗竄
共計連次殺死頑苗數十餘人但此內山勢崎險
頑苗等多有在於隘旁箐邊躲伏官兵奮勇直前
防備不及致被鎗傷其凱里一路官兵亦於二十
四日拔營前進所經之烏稍寨已就歸撫其餘皆
為大寨勢壓觀望不前迨至囊孟隘口有頑苗阻
拒當被該都司羅資袞暨平越營守備馬允升等

督率弁兵奪隘而入殺退頑苗在囊孟剗營二十
五日頑苗分路迎敵復經該都司等帶兵抵禦二
十七日該都司等自囊孟進攻烏疊頑苗拒敵官
兵人等用命向前殺死頑苗五人帶傷者無數當
即奔潰貴陽營步兵受傷身死者計四名隨來烏
疊與本司行營會合本司於彼等未到之先遙見
旗號即遣撫標守備張琰率兵前去接應夾攻擊
退頑苗本應從此遂寨嚴行懲創但查丹江共計

百十餘寨地勢深險丁壯約有數千相離凱里僅三十餘里逼處都勻鎮遠等郡腹裏地方積久相沿從無過問因而窩藏川販肆害苗民且多有鎗礮甲械之類其性兇悍而尤狡猾今敢固結抗敵傷兵兼之屢經殺敗毫無畏懼若再前去勢必日事爭鋒終無以攻其腹心制其首尾是屬無益所當暫緩前進亟請大兵前來相機布置等情到臣查凱里之丹江鎮遠之九股一帶生苗兇惡強

悍尤甚於羣苗今敢恃險抗拒更肆勾連若不用
全力勦除既無以畏服投誠各寨而九股生苗亦
斷難以就撫除札覆張廣泗囑令相機慎動寧遲
毋錯隨咨會撫提二臣派撥官兵去後八月十五
日准提臣楊天縱咨已飛調大定黔西平遠三協
兵各一百名新添營兵五十名令千把各一員帶
領又派提標兵四百名令千把四員帶領派定廣
協兵一百五十名千把一員俱令副將蘇大有統

領前往八寨行營聽張廣泗調遣勦撫八月十七
日准撫臣沈廷正咨已行本標中軍遊擊高岱派
撥左營守備徐希達右營把總楊漢飛將本標左
右兩營精健兵丁三百名星夜帶領前往丹江等
處聽候調遣等因則是前後檄調共合官兵四千
三百餘名足供遣用倘丹江惡類預行糾約九股
各寨或併勾結楚界生苗臣即當咨會楚省督提
飭調附近營汛沿邊控制料此一舉雖復少遲時

日似終不難就緒也除俟報到作何勦撫情形另行

奏報外所有丹江頑苗不服化誨逞兇抗拒添撥官兵前往相機布置情由合再奏

聞伏乞

聖主睿鑒臣謹

奏

前因各處奏到已遣廷臣密往張廣泗行營將朕初意

一併備悉諭卿知之矣卿等酌量相機合宜為之

朕因貴州之兵用處畧多恐不敷調撥已有旨將湖南精銳兵派撥一千名來黔以備卿調遣又令在本省預備一千聽卿調用黔省錢糧無多亦酌撥十五萬送來以備軍需之用矣凡事豫則立寧有備好此二千兵卿可酌量若無用可一面令回一面奏聞若有用即行調用可也

八萬古州之事先經石禮哈即欲進取朕因其少年孟

浪非任此事之人所以切責訓諭之將前諭發來卿看
即知朕當日初念後因張廣泗身歷其境卿復陳奏情
形朕何忍將此一處棄於化外所以准招撫化誨之請
嗣見勦撫兼施即於朕心少為不合近見楊天縱沈廷
正奏報張廣泗添兵之文雖已取八寨而丹江九股其
地深險若大費攻取必致多傷人衆朕思八萬古州原
係化外亦無甚大罪非如土司惡苗之可比卿前奏九
月內可以完結者自據張廣泗之意見而言倘至期不

副其言則從前所見少有未及此事發端在伊恐進取
為難欲退無策勉強從事未為萬全朕再四思維密書
敕諭一道未令人知道翰林牧可登春山二人密齎張
廣泗軍前令伊酌量而行若事出萬全將次完結即令
伊等回京倘有難辦之處即將此曉諭宣布朕意撤兵
而回卿意以為何如今將諭旨錄來卿看朕原欲令春
山等至滇與卿商酌因恐稽遲時日便到卿處自然亦
以張廣泗處之情形咨文為憑耳所以一面令二人前

赴軍前將朕料理之處諭卿知之特諭

同日又

奏為奏

聞事雍正六年八月初八日據駐防攸樂茶山普威營
叅將邱名揚稟稱車里之橄欖壩地方向為巨惡
刀正彥占踞因指使窩泥刮殺客商拒捕不法蒙
遣官兵擒勦逆夷悉已授首巨惡刀正彥亦經擒
解六茶山及各版納夷民俱各安生業忽有刀正

彥向日管轄之擺夷暨緬寺和尚於二十一日夜
放火將客民草房燒燬延燒刀正彥原住大樓致
傷看守兵丁擺夷聚集多人隨飛行宣慰司刀金
寶帶領夷目星往確查有無傷斃看守住樓兵丁
速報卑職查各路要隘俱經撥兵駐防攸樂一處
外控九龍江橄欖壩內扼六大茶山思茅等處前
刀正彥唆使窩泥拒敵甫經輸誠歸附此地最為
緊要橄欖壩逆夷不法應須預備一面飛調附近

官兵上練赴營聽遣一面整頓本營兵馬並分諭
各茶山火頭堵禦防範去訖六茶山地方俱各安
帖寧靜等情臣因駐劄思茅臨元鎮總兵官孫宏
本先報赴省會商安設營汛等事已經起程恐刀
金寶年幼不能約束夷衆隨即照會孫宏本帶兵
速由元江一帶前往料理又檄調永順鎮官兵五
百名由景東一路前赴普洱會合提臣郝玉麟復
調本標官兵五百名亦前赴普洱會合統聽孫宏

本調遣又撥順雲營兵前赴江底堵截委元江府知府遲維璽帶元江協兵一百名星赴軍前會同協辦去後八月初十日又據邱名揚稟報七月二十四日清晨據差探兵回報有橄欖壩逆夷數百人昨二十三日已到慢額要來攸樂打仗卑職隨撥精兵四路埋伏先占地利令各版納頭人嚴加堵禦本日辰刻果有擺夷數百各戴皮盔身披棉被手執梭標弓弩鎗刀等械聲言要替刀正彥報

仇卑職隨令熟識夷語兵丁曉諭宣布

皇恩憲德刀正彥作惡已久今與你們除害為何聚眾
不法乃逆夷遂放鎗弩蜂擁前來職即督率弁兵
迎敵鎗礮齊施打死賊人數十賊盡敗竄八月二
十一日又據邱名揚報稱據千總燕鳴春到營稟
報奉令差查刀金寶親向千總泣訴云橄欖壩擺
夷被大塔寺緬和尚及刀正彥心腹叻護叻瞻等
煽惑逼脅要我同反我從前被刀正彥欺凌謀占

蒙各憲調遣官兵生擒逆惡仍令我管理地方豈肯聽從逆等惟有一心報效斷不敢稍懷二意八月十一日逆夷聚集二三百到猛又被燕鳴春打敗帶傷逃去九月初一日又據邱名揚稟稱八月十八日據千總燕鳴春探差回報夷賊叵護叵瞻等又煽惑附近橄欖壩之猛遮猛籠等擺夷同叛口稱要分路前來等語卑職各於要隘處安設伏兵嚴整備弁待敵各等情到臣臣查橄欖壩一帶

夷民向為版目刀正彥所轄正彥欲奪占宣慰世
職主使兇類肆行刦商害民臣遣官兵擒勦復取
堵路拒敵臣令官土兵數千直搗賊巢斬獲賊首
然後首惡羽黨相繼就擒羣蠻歸附正彥旋亦被
獲解省發審現據供認前情不諱且當鎮沅夷變
時正彥接得刀如珍等手書曾調窩泥五百前往
助惡因蟒子國恐被貽禍差人喝阻方始撤回現
據質審亦伏首無詞是其造意謀叛又不自今日

矣正彥占踞地方延袤數千里險峻處甚多臣恐
餘孽未盡所以各處留兵駐防而攸樂一山乃正
彥號召窩泥起事之處最為緊要令叅將邱名揚
帶領弁兵駐劄彼處居中彈壓并委員往查各地
方戶口議設流官營汛不但各版納夷民無不輸
服即橄欖壩夷衆亦並無異議向使彼時夷心思
變則一二文員其何能為祇因大塔寺之緬和尚
向為正彥主謀以護以瞻等皆正彥親信惡黨恐

一設流官伊等終難漏網遂藉稱流官到來你們
決無生路我們也存住不得了緬和尚先率夥衆
逃避江外以護以瞻等煽惑愚夷代主報仇隨聚
衆放火堵路攻營并逼脅宣慰希圖仍霸一方夜
郎自大此夷賊故智計固不出此現雖宣慰司刀
金寶并各版納六茶山夷衆俱誓不從賊然刀金
寶人無能為夷性犬羊難保其必無反復是以臣
與提臣郝玉麟面商籌畫遣撥各路官兵前往會

合相機勦撫今漢土官兵添撥齊到料此小醜不
日可以撲滅俟續報到日另行

奏報外所有據報逆夷黨惡不法緣由合先奏
聞伏乞

聖主睿鑒

臣謹

奏

知道了新定地方此等事固所不免但於初定之際有
司料不敢營私營伍亦自有準備而伊等尚敢賢不畏

死如此妄為則將來善後事宜更當詳慎者矣雲貴新定之處甚多設兵彈壓之舉最要不可省費將應添設之兵數遷就辦理倘有此等小事必本處兵弁足資任用方好若用調撥協助恐此輩姦匪或有同舉報復之事亦不可不預防者若少涉周章所關甚鉅必待鎮靜數年朕方釋念至於古州八萬之舉張廣泗既見不透則此事少急驟矣再有如此等應整理者當緩一步徐為之雲貴兵弁甚覺勞苦朕心實為不忍亦即有旨加

恩伊等著候旨行再廣西儘有似此應整理者朕命卿總督時一概姑緩之必待廣西兵弁營伍件件整理事出萬全時方可動作恐卿不知朕意謂令卿作速料理也特諭知之

雍正六年十月二十日雲貴總督臣鄂爾泰謹

奏為恭報滇黔二省秋收分數仰祈

睿鑒事竊照各屬收成豐歉理應

奏報臣檄行雲貴布政司確查詳報去後今據雲南

水調勻雨迤高低田畝俱甚暢茂行據雲南曲靖
臨安潯江廣南廣西元江開化大理永昌鶴慶楚
雄順寧蒙化麗江永北武定姚安景東東川鎮沅
烏蒙等府咸稱所屬地方秋成分數俱有九分十
分又據貴州布政使鄂彌達詳稱今歲自春入夏
雨暘時若高下田地均得及時播種目下早稻已
經收穫晚穀現俱秀實通省收成惟麻哈黔西二

州安化一縣據報止有六分又廣順開州晉安永
豐平越施秉石阡清溪銅仁平遠永寧畢節等府
州縣據報止有七分其餘各府州縣俱報十分八
九分收成各等情前來臣查貴州今歲春熟甚盛
五月以前雨水霑足插蒔應時六月內頗覺乾旱
禾苗漸枯後連得大雨以蒸曬之餘得沾潤澤水
田轉加倍發茂收成俱有十分獨高阜田及新種
地畝收成數稍減然亦不致歉薄雲南今歲實

屬豐年據昆明等州縣呈送瑞禾瑞穀自一莖二穗以至七八穗不等且於夏秋之交省城荷池忽產並頭蓮二枝紅白各一又產二色蓮一枝紅白各半臣同司道等往觀農民歡笑皆謂可預卜大有是瑞應嘉兆亦未有如本年之盛者此皆仰賴我

皇上勤念民依感名

天和

以手加額欣悅隨之

有此屢豐之慶臣等祗承之下無任忻幸

然此自然之理也

孟深悚惕

再雲南自入秋以後省城傳染時氣不數日即過

今歲續漸及各郡遠近皆同幸旋病旋愈不致傷人至

前後八月二十後遍及邊境因時多陰雨兼以濕瘴各

軍前兵丁患病者甚多臣虔製丹丸分送療治獲

不料至冬亦然幸未傷人即痊可者亦甚衆自立冬後今始漸次平復時氣流

上天之恩矣寄來平安丸紫金錠與時氣甚合各發二千

行不遺荒僻此亦雲南不常有之事也合併奏

聞伏乞

聖主睿鑒臣謹

奏

覽

同日又

奏為招撫生苗事竊照貴州陞任按察使張廣泗招
撫都勻八寨地方生苗悉行歸誠丹江各寨頑苗
不服化誨逞兇抗拒添撥官兵前往勦撫經臣於
九月初三日具摺奏

聞九月十三日據張廣泗呈稱撫提兩標以及各協營

派來官兵於八月二十日以後陸續到齊擬將八寨內背恩反復之楊牌等寨先行懲創然後直進丹江嚴加布置查此一段生苗地界雖屬寬廣而要隘總匯之區在黎平者則為古州在鎮遠者則為九股清水江在都勻者則為八寨在凱里者則為丹江又自八寨深入則為千家寨其餘零星寨分雖地名尚多戶口繁衆其中亦有頑梗者然皆觀望此數處以為向背非能自為主張也今古州

早已願聽約束現在寧帖其九股據鎮遠協遵奉
化誨者已十之八九其尚未就撫者因切近丹江
故爾觀望至清水江一帶亦多領受告示情願內
附而八寨經本司恩威並用亦俱就撫即今背恩
反復者細查只有楊牌楊堯楊烏也告交歸羊甲
番仰番扛等寨其餘各寨照舊欽戢輸服惟丹江
一處敢於抗違者總因寨分稠密壯丁有三四千
人加以勾結附近脅制羣苗通計不下六七千人

而且鎗械極多狡悍異常我漢土官兵雖以少擊衆殺其多人屢經潰敗而仍然散而復聚者實恃其衆也是以移營至衙門寨復移至甕城切近八寨之地以便彈壓兩處并慰撫未反復各寨以待添兵今所請之兵已到惟一切攻戰之具尚須整備剋日即先進八寨後進丹江大震威聲使頑苗知所儆懼合先報明等情臣查生苗之役原欲示撫故不須多兵今丹江既敢抗拒則非重兵不足

以濟事若不先制其强者即弱者亦難以歸附隨以羣夷負險狡悍莫測天時可乘地利宜審近功速效終無遠計須待大兵齊集慎重圖之凡事先易者後轉難先難者後必易務籌一勞永逸俾無煩再舉則此一大部署庶可以昭示來茲等語密札張廣泗去後又隨札致提臣楊天縱除前調官兵外再將粵西撤回之安籠等標官兵酌量調赴遣用并將臣所造火箭三十枝及攔牌火毒礮等

件差弁解赴行營備用旋據各報前調官兵已陸續到齊又准提臣楊天縱咨會已飛調安籠兵三百名安南普安盤江三營兵共二百名委遊擊田昌友帶領又調平遠黔西大定三協兵各一百名長寨營兵二百名提標兵二百名令貴陽營遊擊史應貴同提標守備任龍合營管領前往又製造靖蠻大礮二位並火藥鉛彈等項現在差員齎解等因是前後所調官兵合計已六千三百餘名前

進攻取並酌留駐劄似皆可以數用矣十月初八日據張廣泗呈報已於九月二十六日移營前進十月十六日隨據定廣協副將蘇大有呈稱蒙張撫院與卑職酌議用伏兵以待苗賊十月初四夜卑職令十把帶兵離營盤六七里之地四處埋伏初五日辰時果有苗賊千餘各執火鎗直衝營盤伏兵四起與苗對敵卑職親統官兵分路追殺令千把高選等帶兵由左路追至擺指等寨鎗礮打

死苗賊數十名隨將擺楷也畧壤頂填搆俱各燒燬卑職帶候補守備傅又新等由右路追殺至也告關口鎗礮打死苗賊不計其數各營官兵俱奮勇力敵殺賊首級數顆直抵也告寨張撫院發兵三百名亦至山梁登高應援趙叅將等帶兵俱至也告有寨內苗賊逞兇拒敵受傷漢土兵四名卑職親率千把奮力當先衝開寨門直殺入內鎗傷苗賊數十并取首級衆兵將也告等三寨亦俱燒

燬衆苗各皆逃竄現在招撫等情而張廣泗尚未
報到再先據鎮遠協副將張禹謨呈報帶兵於舊
施秉縣之栢枝坪駐劄遣土舍招撫九股及小江
各寨生苗將已撫各寨苗頭傳齊於八月十六日
赴行營獎賞款諭共苗頭七十二名會同鎮遠府
知府方顯於十七日設立款場令土舍苗頭人等
先自行公舉苗頭內有衆苗素服公直能事者以
為榔頭分為三榔管理其應納糧賦俟張臬司到

日定議各苗頭俱聽從喜悅出具遵依木刻共招
出羊翁世益等四十一寨計一千七百七十七戶
共男婦七千六百七十一名口合將各寨煙戶總
數開摺呈報等情據鎮遠府知府方顯呈報分遣
各土官土舍以及效用人等分道前往招撫隨撫
得清水江一帶生苗共一十六寨計一千五百九
十戶男婦五千七百六十七名口業經編立保甲
理合造冊呈報至認納錢糧容俟取具認狀另冊

齎呈又招撫得九股之台拱生苗數寨共計二百一十戶男婦七百八十六名口現據効力人役李有成等稟稱情願歸誠造具戶口清冊呈送到府但行刦施秉縣琵琶寨石狗洞二寨兇苗藏匿台拱現在責令獻出二案夥盜准其歸誠俟稍遲續行呈報又據邛水司副土官袁三奇稟稱招撫得清水江之者磨等寨生苗七百餘戶又土推官楊再瀚稟稱招撫得九股之交汪等寨生苗六百二

十戶俱現在編造煙戶二共招撫生苗一千三百
二十戶俟造冊到日另報等情各到臣竊照黔省
下游一帶邊界生苗盤踞刦殺橫行阻塞道路為
害已久如黎平鎮遠平越都勻等府生苗環處俱
在百里內外至凱里地方則二十里十餘里以外
即係生苗錯雜而居並無防隘且凱里去清平驛
道僅四十里逼近衝途關係尤鉅故自臣受事早
經留意詳籌博訪而後舉行是即用全力需歲月

必當開通安置而不可更貽後患者也況古州八萬前經招撫至今寧帖九股地方及清水江各苗現來歸附者已四千八百九十餘戶計不下二萬口即八寨一帶前投誠受撫者業有三千餘戶雖楊牌等數寨復入夥丹江而反復者亦不及十分之一今敢於抗拒者止丹江一處現在分路進剿烏合之衆究何能久持據臣愚料黔省六千官軍似可能勉竣此舉也前九月二十八日齎到臣摺

荷蒙

硃批朕見張廣泗初進苗地其敬奉之景似只用撫而不須威力者今既用兵威撫取則善後事宜更當謹慎為之凡新定地方利之一字萬不可與較錢糧二字萬不可惜勿因小而誤大切諭切諭欽此十月十五日又據提塘鈔稟奉

上諭黔省現有勦撫古州八萬之事又協勦粵西不法猺苗黔省所有額設兵丁或不敷用著將湖南就近

營兵酌撥一千名前往貴州聽鄂爾泰楊天縱節制
調遣此所撥兵丁著黃州副將李繩武帶領管轄再
將荊州滿洲駐防兵預撥一千名令副都統觀音保
帶領在京派出大臣一員同往俟朕再降諭旨到日
起身前往常德府駐劄以資彈壓著議政大臣大學
士會同議奏欽此又議政大臣等奏前事奉

旨依議湖南所派官弁兵丁俱著揀選賢能精壯者發
往并多給口糧令其速行起身再著該提督巡撫預

派兵丁一千名聽候調遣欽此臣伏讀

聖諭敬謹詳繹仰見

皇上慎重邊疆矜恤苗夷之至意今粵西不法獠苗業經勦滅丹江現在進勦各處多已投誠又得楚兵一千名以壯聲勢更易於竣事應俟咨會到日將湖南官兵令暫駐黔界以資彈壓若前進黎平鎮遠時或復有頑梗生苗不遵化誨臣即當就近調遣協同擒治其預派候調之一千名楚兵似可無

庸再遣至於凡新定地方利之一字萬不可與較
錢糧二字萬不可惜勿因小而誤大煌煌

寶訓臣當時刻凜體無如兩省文武半識見不廣能於
利上辨公私於錢糧酌盈絀者則已屬賢才而不
知大體不謀遠計纔有一事而先自驚慌纔了一
事而每多矜肆能事之人即或為誤事之人雖復
諄切剖示似亦當下明了不能臨時變通如祖秉
圭者并不如祖秉圭者殊復不少臣惟有竭盡血

心自勉之共勉之誓勿負

殊恩已耳除俟報到作何勦撫情形再行具

奏外所有進取丹江勦平乜告擺楷等寨并九股等
處生苗先已投誠緣由合先奏

聞伏乞

聖主睿鑒

訓示施行謹

奏

同日又

奏為奏

聞事竊照檄攬壩緬和尚與頭人叻護叻瞻等向為惡

目刀正彥之心腹因見正彥被獲地方歸流藉稱

代主報讐煽惑愚夷放火打仗冀圖仍霸一方臣

據叅將邱名揚稟報隨即調遣官兵立飭臨元鎮

總兵官孫宏本前往相機勦撫去訖業於九月初

三日

奏明在案九月二十五日據孫宏本邱名揚并元江府知府遲維璽等各稟報內稱逆夷等自前經擊散之後復於九月初九初十等日聚集一千餘人突擁至叭泥意在阻拒水口糧運屯劄山梁倚恃鎗礮攔牌欲來攻擊在營備弁等隨率兵奮勇殺退傷死賊人甚多我兵亦陣亡三人餘賊仍屯聚江上阻斷隘口因各路官兵尚未到齊不便輕進

惟令各營嚴謹防備等情臣隨飛檄各處將弁領兵速進并備軍器藥餌差送軍前及催趲糧運速往接濟札諭行營文武但嚴督守禦俟大兵齊集然後進攻又預備督撫兩標兵五百名提標兵六百名開化永北二鎮各兵四百名劍川協兵一百名聽候調遣十月初一等日又據軍前各員報稱江上逆夷猶復聚結不散且脅逼隣寨挾制土司每晚遙放鎗礮以作聲勢甚屬猖獗而叅將邱名

揚現患時疾行營兵弁染病者甚多請添撥官兵
以便進取等情臣查逆夷反復原止橄欖壩一隅
其六茶山等處並未變動今據報續派官兵已於
九月二十四以後陸續齊到以四千之衆分路進
勦本不難立破但緬和尚叭護叭瞻等遍行鼓惑
到處逼脅兼挾制宣慰司刀金寶以威嚇夷衆雖
各處堅稱誓不從賊然夷性犬羊未可深信且地
界緊連外域關係甚鉅臨元鎮總兵官孫宏本雖

知努力然不識機宜短於駕馭伊駐劄該地方年

餘並不能察夷情動靜及報檄攬壩嘯聚經

臣面

詰猶力言無事可但放心

臣已破面嚴飭時提

郝玉麟在省亦親聞知叅將邱名揚以少應多使

賊不敢犯有勇有謀實可資指臂前聞伊染病

臣

徹夜不能寐屢差弁役致送銀兩參藥等物親往

看視今雖病已小愈稍能行走尚未堪驅馳

臣再

四籌思若不剋期勦滅恐致滋蔓而得人實難未

敢輕任提臣郝玉麟今春前往查勘地方曾遍歷
各版納熟悉情形非提臣再行親往相機勦撫並
查起事之由加意安置恐孫宏本不足恃難以妥
辦臣前經面商已有成議是以將前備之兵一面
調發限日到普洱等候一面札致提臣率本標兵
六百名急速起程於普洱會合統領前進分遣調
度訖諒檄攬壩逆夷始初造意原欲勾結各夷羣
起作亂今各處既未附和獨江壩一處究何能為

料提臣到日自能完事似可無煩

聖慮也合先繕摺奏

聞伏乞

聖主睿鑒臣謹

奏

著郝玉麟前往甚是一到自然成功者專候捷音邱名
揚想今大愈矣

同日又

奏為奏

聞事竊照川省雷波土司楊明義私遣部落幫助米貼
逆夷劫奪糧運傷害兵丁並誘結覺阿路阿照平
底等處苗蠻聚眾妄行欽奉

諭旨發兵擒勦

臣

隨調撥滇黔漢土官兵三千名令叅

將哈元生統領星馳前往料理并照會鶴麗鎮總
兵官張耀祖帶該鎮標兵五百名馳赴軍前統領
滇黔官兵分路堵截擒拏業經

奏明在案七月二十一自准四川提臣黃廷桂咨稱

雷波等蠻勾通跳梁不法欽遵

上諭遣兵進剿但自雷波以至結覺及阿照阿路一帶
地廣山深必須分路堵剿今派官兵俱走谷堆會
合派滇黔官兵八百員名渡江抵以密哥駐劄二
千餘名渡江由魁虐取路至阿驢交界阿路嗎地
方駐劄以便堵截會剿等因臣隨飛行叅將哈元
生就近酌派官兵八百員名前赴以密哥斷野低

密落賊苗逃遁之路并令哈元生帶漢土官兵二千餘員名星赴阿驢交界駐劄聽候分遣嗣准提臣黃廷桂陸續咨會遣發官兵攻破平底夷寨二處至地歪躡探賊巢沿山左右皆阿路惡夷分兵進勦并勦洗阿路覺覺亨罵數處隨破遇紅寨至巴普猱賊奔敗過河官兵後追連破步奎三黑亨革勾勒姑四處又直搗阿照哈都魯狡夷已經逃避由黑姑魯達羅一路跟追楊明義已逃往哈都

噶地方到簸箕壘攻克九洞勦殺賊苗無遺又至
北山箐溝并悟覺直至波哈地方殺賊甚多又攻
克野低密落等因據武定營守備王廷標申報九
月初一日奉令帶弁兵攻打阿基初壘擒勦噶哈
督令弁兵齊進賊人逃散捉獲男婦等情十月初
四日又准提臣黃廷桂咨會滇黔官兵遠來糧運
不易而川省兵糧又跋涉維艱倘不能接濟滇黔
豈不反累軍營况渠魁卑租已獲楊明義潛藏深

箐偷延旦夕仰仗

天威指日即可就擒其特口寨阿驢交界駐劄滇黔官兵無容留駐均應撤回除行哈叅將外相應備移等因正在轉行間初六日又准黃廷桂咨稱差員由拉密一路搜捕楊明義復逃山箐發兵圍困於九月十六日在過橋轉上深箐內拏獲楊明義羈禁行營十月初七日據叅將哈元生呈稱奉四川黃提督牌開阿驢交界阿路嗎地方川省已派官

兵堵截况渠魁已獲滇黔官兵無庸留駐仰職將
原領官兵俱行撤回卑職遵於九月二十日先令
遊擊張世傑帶兵起身卑職率遊擊卜萬年自校
頭口起營至阿驢裸古地方劄營二十二日卯時
起營行有四五里忽見四山蠻子約數千披甲掛
弩懸刀環遶數十餘層竟來抵敵將卑職同卜萬
年圍困垓心隨喚阿驢訊問蠻子為何叛逆回稱
並不知道卑職帶兵二百名架大礮衝開殺散賊

蠻數十餘層搶上赤布岩卜萬年隨後帶兵奮勇
登岩會合查點官兵有督標千總蘇世爵職標委
署千總劉雄把總張應舉馬玉四員陣亡四山賊
蠻仍然環遶卑職令阿驢叫喊賊蠻答說是沙罵
家人卑職看來明係阿驢部落阿驢難辭其責二
十三日卑職帶把總胡亮兵丁二百名用對子鎗
分打殺死賊蠻無數正在對敵有臺兵王應宗稟
稱二十二日賊蠻將烏蒙府運到糧二十石盡行

搶去今日來圍住小的們幸遇兵到始行奔散本
日有卑職差調遊擊張世傑到赤衣臺會合賊蠻
仍然不退二十四日卑職等各帶精兵令遊擊卜
萬年張世傑領兵埋伏左右箐內卑職督兵中路
三下夾攻賊蠻大敗奔逃因值大霧不便追趕查
赤衣臺係阿驢適中之地運糧要路卑職呈請鶴
麗張總鎮帶兵過江駐劄調度以便進剿逆賊其
陣亡兵丁查明另報至帶土兵五百名染病多半

所存無幾不敷遣用已呈請張總鎮檄行威寧營
府飛調阿底等五目土兵五百名漢兵除調本營
鎗手五十名威寧營兵二百名畢赤營兵五十名
共漢土兵八百名星夜前赴以資遣用再阿驢界
連阿路嗎阿都沙罵一帶現有川兵臨近駐劄請
咨四川提督飭令將弁就近堵剿等情臣隨飛行
鶴麗鎮總兵張耀祖就近調撥官兵星往應援并
令該鎮親自過江調度并咨川提臣黃廷桂發兵

欽定四庫全書

碑林前音

卷一百二十五之八

三

堵擒因在

臣

標之祿鼎坤熟悉彼地情形願前

去效力

臣

又行東蒙鎮總兵劉起元烏蒙府知府

陸世宣在魯甸等處調撥土兵一千一百名令祿

鼎坤管領前赴軍前協助擒勦去訖該

臣

查得川

省土司楊明義等向有涼山賊衆聽其指揮因而

勾結阿路等處苗蠻恣行不法今奉

旨會兵擒勦川提

臣

黃廷桂親統大兵先攻克阿路等

處又勦滅雷波部落首惡楊明義等旋亦就縛似

此調度迅速紀律嚴明各路官兵加倍奮勇計不
日可以竣事惟是阿驢阿路嗎一帶蠻夷忽又作
變聚衆截路殺傷官兵斷難寬縱現移會兵撲滅

便捉

至於起事之由據陸世宣稟報據夷獮傳說因哈
元生捉拏一小土官即至如此橫逆此風豈可長也亦不阿膩小土官故賊蠻代主報仇等語或

為債事

係哈元生債事抑或另有別情業經行查除俟查

覆另行具

奏外所有咨會勦擒楊明義等情形及阿驢等處賊

蠻擅行傷害官兵緣由理合一併奏

聞伏乞

聖主睿鑒臣謹

奏

黃廷桂數次奏聞矣此番黃廷桂諸凡調撥進取機宜甚屬可嘉朕深為獎悅慶用得人也

硃批諭旨卷一百二十五之八

欽定四庫全書

史部

硃批諭旨卷一百二十五之九

臣 永瑤 恭校

編修臣 裴謙 覆勘

總校官中書臣 朱鈐

校對官中書臣 陸湘

謄錄監生臣 李廷讓

欽定四庫全書

硃批諭旨卷一百二十五之九

硃批鄂爾泰奏摺

雍正六年十月二十日雲貴總督臣鄂爾泰謹

奏為恭謝

聖恩事雍正六年九月二十八日臣齋摺家奴蒙

恩賞給驛馬齋回

御賜臣玻璃瓶四件番人緞手聯重陽糕一匣松仁糕

佛手糕青果糕梅蘇糕各一匣乳皮酥乳餅共一匣白石榴一簍抵滇臣隨郊迎至署恭設香案望

闕叩頭謝

覽卿奏謝矣

恩祇領訖又十月十五日臣標千總施弘遠蒙

恩賞給驛馬齋摺回滇臣恭迎入署敬啓摺扣伏讀先後

硃批獎勵矜憐如聞

天語裁成指授如對

天顏臣身居萬里心戀

九重敬念

萬壽令節不獲與在廷諸臣同侍

左右共效趨蹌復以苗疆未靖料理需時又不敢具

奏陳情恭請

陛見瞻依之私日久倍切懇祈

聖慈垂鑒臣於事竣之日馳驛赴京俾得以跪覲

慈顏親聆

聖訓計往返不過五月庶得少伸愚忱而於地方事務

亦不至遲誤為此繕摺恭謝

聖恩伏乞

聖主睿鑒

俞允施行臣謹

奏

覽

同日又

奏為欽奉

聖諭事竊照粵西西隆州八達寨兇夷顏光色等肆橫
抗拒屢傷官兵及至大軍齊集計窮勢迫賊黨將
首惡顏光色光東殺獻請降經臣節次摺

奏因賊黨恃險負固仍行支延不即投誠臣行令該
鎮協等作速會兵進剿據報於八月二十八九兩
日破塋燒寨殺死賊衆無算倒戈投降及奔竄擒
獲之把事抱金等計共男婦一百八十餘名口逆

賊已靖賊巢盡燬顏賊家屬應聽粵西文武協同
緝捕滇黔官兵俱於九月初四日撤回等情臣已
繕疏

題報在案續於九月二十八日齎到臣前報明粵西
土目摺內荷蒙

硃批提督田畯又親往矣但廣西兵將業已氣餒田畯
亦係中材料此事伊等未必能成功卿當身任料理
有何分疆界之嫌疑也賊衆經此一番必然氣盛諸

凡不可輕視所調進取將弁務令慎重從事可也欽
此及十月十五日齎到臣摺內又蒙

硃批廣西兵將既如此伎倆卿當獨任料理之一切機
宜遵旨通飭行欽此又據提塘鈔稟知已經奉

旨廣西八達寨獍苗素行不法經田畯奏請撥兵勦撫
而籌畫辦理未能周詳派兵數少所遣之員又非練
達以致賊獍聞信預先準備近聞官兵屢攻不克輕
率先進致傷官兵朕心深為軫惻向來廣西營伍廢

弛兵丁懦劣而提督田畯才猷中平總督孔毓珣相
隔路遠難以辦理著將廣西提督以下弁兵悉聽鄂
爾泰節制調度其從前進勦猺苗被傷之弁兵著該
督撫優加賞卹將來事竣之日仍照例加恩欽此臣
查顏光色等本係小醜縱夜郎自大實擒治不難
獨以巢穴堅牢器械銳利粵省弁兵先有畏避之
意以故臨陣不勇益致猖狂今雖仰仗

天威不旬日皆已屠滅然逆賊家屬早經逃匿兇惡黨

羽多未擒獲為粵省計正應趁此聲勢搜除惡類
將附和餘衆加意安插庶可懲一儆百而力半功
倍乃提臣田峻計不出此於九月初四日抵八達
隨於十一日回柳僅留遊擊一員駐劄彈壓似此
料理殊屬疎漏臣查訪顏賊之妻子家口現在粵
屬之底毋八白寨其附和黨羽聞約聚數百人現
在粵屬之馬白寨臣接准部文後即當通飭將弁
並剴切示諭有自來投誠者免死安插其抗拒擒

獲者立行正法再咨商粵西撫臣令該管州縣將附近八達各寨遍行撫慰嚴禁胥役毋得藉端恐嚇務示之以信然後夷心可安粵獠强悍非諸苗比並非僅兵威可以伏制也再賊黨抱金等總兵蔡成貴原不應帶回安籠因其畏法先殺賊獻首旋即投誠而呈詞內又有粵員激變不願歸粵之語若解交粵省反恐滋事故暫准帶回現在發審俟審詳到日或就黔地安插或另遷徙別省臣當

酌議會同粵撫臣請

旨遵行至於安籠遊擊田昌友等雖深抵賊寨折損弁
兵但既奉軍令何敢退却而兩路粵兵不能前進
亦豈能預料田昌友等似應無罪而粵員按兵不
動之語實屬卸過之詞右江鎮總兵官段宗岳急
欲滅賊不量兵力調度失宜則誠有之若謂其柔
懦觀望尚不至此即粵屬遊擊常顯虎領兵初到
八達被賊子詐誘暗築礮臺堅固巢穴以致屢攻

孔毓

不克是時總兵段宗岳尚未到營兵少而弱何能

擒捕是常顯虎雖事無可辯亦情有可原今既賊

首已戮賊寨已平似可仰邀

聖恩均予寬免以勵後效除俟准到部文欽遵料理外
所有此案情節理合備細陳明伏乞

聖主睿鑒施行 臣謹

奏

今命卿兼督粵西一槩酌量合宜料理奏聞可也

同日又

奏為覆

奏事雍正六年九月二十八日齎回臣前摺內奉

硃諭此係祖秉圭之奏朕前批諭昨伊到京繳進隨便
發來卿看欽此臣細看祖秉圭奏摺敬誦

硃批此事汝識見卑小矣豺狼驅入內地而不能化任
其野性永為地方之患爾身為大臣職掌封疆忍心
坐視乎若言不完糧為失體便今直省百姓能人人

遵法完納乎失體豈在此此皆從前督撫任任推諉
代代因循之所致天工人其代之若遇實力為國家
利害置於度外之人自能料理欽此伏查貴州苗夷
素多不法擾害居民難以枚舉祖秉圭固已深知
據稱貴陽等四府之苗最為悍野自長寨等處盡
法懲創之後皆喪膽畏服又稱都勻府數處尚有
負固不法欲撥兵懲創又稱有事則必加懲治不
事姑息是祖秉圭亦知懲創者現俱畏服負固者

終須懲創矣乃以早經就撫之八萬古州而謂不
必取現在橫肆之都勻等苗而又不即治然則禦
苗之道豈僅大張曉諭而遂可以畢事乎至稱一
加懲創則皆可安靜無事但嗣後偷竊小事不敢
保其全無等語此則浮游之論瞻顧之情竊照苗
疆險遠夷性貪頑無論懲創之後偷竊小事斷不
能全無即安靜之後燒劫大事亦料所時有縱日
後反復為患與目前橫肆為患者孰遠孰近孰多

孰寡若或慮及將來因而遲疑現在將利害之念
重則民社之計輕若大若小必無有肯擔任一事
者臣本係凡材非不知事關重大力不能勝自蒞
任至今請勦請撫若有急不可待者實以身受

殊知萬難報稱良心不昧血氣未衰務期及臣之身為
苗疆荒服稍定規模俾後來勝臣者易於布置即
不及臣者亦難以推諉故如長寨如泗城如烏蒙
鎮雄如鎮沅威遠茶山車里等件雖多人勸阻諸

務艱危而立意不回誓欲掃蕩者萬里臣心殊未
敢稍懈夙夜也且祖秉圭亦知以人道責豺狼難
以奏效矣殊不思以人道責豺狼固不可以化誨
若以豺狼待豺狼未嘗不可以羈縻今豺狼入內
地且復傷人而曰不可殺並不必制是厚豺狼而
薄人人將何賴在祖秉圭所難者原不在八萬古
州知臣此舉必先由丹江丹江逼近腹地兇惡強
悍即現今抗拒官兵伊所稱都勻黃平一帶負固

苗也恐不能勾當或致貽累故先事密陳而黔省傳言謂丹江生苗原欲就撫因祖秉圭先不肯招撫言之甚力後於教場操兵時又揚言於衆謂生苗必應勦滅斷不留遺種以故丹江聞風牢作準備即提臣楊天縱手札亦有祖撫軍何不說撫必定說勦此人心不可測等語然此事實出情理之外臣不敢全信其有也再化出生苗一件臣前赴黔與楊天縱面商密委劉成謨何經文等行事祖

秉圭任藩司時即不以為然續見化出數百寨欲
入衙詳報楊天縱謂此係總督專委之事藩司並
未與力如何假得從此益不悅後署撫事又有化
出生苗楊天縱照例欲令赴省叩見伊先阻止且
向司道說那裏閒錢賞他楊天縱深為之不平後
臣聞知隨寄札勸解茲看摺內專指提臣撫臣而
並不及臣者以此案叨蒙

聖恩獎勵逾分伊隱約其詞意謂臣無功冒

賞也至於銀兩米石錢糧兵餉多少費省等語實因識見卑小故議論鄙陋多自相矛盾敬讀

聖諭諄切周詳莫不洞燭臣諷誦數四且感且奮不禁涕淚之沾襟也伏念易為之事定有先臣而為者何待於臣若明知事屬難為而在所當為臣更或敢推諉或敢因循捫心自問何殊悖負懇請

聖鑒但責臣成效寬以時日臣務當竭盡血誠以完竣斯舉也除勦撫丹江緣由另摺陳明外合行覆

奏臣謹

奏

覽奏知道了

同日又

奏為設法彌補無著之虧空以清積案以實庫帑事
竊惟倉庫錢糧最關緊要臣自到任後將所屬虧
空各案嚴飭承追督催各官竭力催追雖亦少有
還補終難如數全完若不設法補苴終致

國帑虛懸但其中有有著者有無著者自當分別追補以期濟公臣查雲南通省新舊虧空共十五案內除署永昌府事叅革同知梁衍祚臨安府叅革知府王儁雲南府叅革知府韓鍾廣通縣叅革知縣劉淑元謀縣叅革知縣徐鳴鸞署武定府事開化府叅革知府佟世祐元江府叅革知府張嘉頴以上七案或有家產可以變補或有借欠可以追償臣已分別勒限嚴追其有應行咨追者亦經分

咨旗籍照數完追又順寧府叅革知府范溥名下
虧空銀錢銅鉛等項已經

題請著落前任督臣高其倬署撫臣楊名時原任按
察使江芑各名下分賠其餘現在查追不致無著
外尚有鎮南州叅革監故知州陸應幾南安州叅
革知州王志正新平縣叅革監故知縣蹇王臣宜
良縣叅革知縣申稼呈貢縣叅革監故知縣饒啓
心昆陽州叅革監故知州何大寵馬龍州叅革監

故知州許日藻以上七案虧空共計未完條丁鹽課等銀九千二百五兩二錢零未完米一萬六千六百一十六石零折算該價銀一萬一千六百三十一兩零未完穀一萬六千五百一十五石零折算該價銀五千七百八十兩四錢零通共該銀二萬六千六百一十七兩五錢零屢次移咨各原籍查追據稱並無產業可變任所本身家屬又已衣食不克雖監禁嚴比毫無設措不過徒稽歲月究

於錢糧無補臣籌之再四必須早為設法彌補庶不致倉庫有虧查滇省欺隱田土內如從前漏報勲莊叛產等項不自行首報別案發覺審出應令納價准為已業又滇省各官蒙

皇上洪恩賞給養廉已優裕足用如有現任官委署他任者其署任內養廉不應全給現議扣留一半以上二項俱有騰那即以此二項代補遠年無著虧空陸續完報約計兩年便可全數通完如是則積

案清楚帑項亦不致虛懸矣緣係設法填抵虧空
未敢具本題請理合繕摺陳明伏乞

聖主批示遵行臣謹

奏

有旨諭部盡著寬免矣如此卿可少省心力

同日又

奏為查出官莊實餘租息歸公裕賦事竊照滇省文
武衙門大半向有官莊收租取息匿不報聞臣通

行各員據實開報先據糧儲道元江等府安寧等
州縣報到官莊田地并查出臣標五營向有開墾
老丁田地及丈出新淤自報田地又東川府查出
已故祿氏養贍並文武官莊經臣摺

奏聲明武定等十府州縣俱有官莊另報在案除東
川府之養贍官莊業同該府丈出田地彙疏

題報外今據武定姚安馬龍羅平姚州鎮南定遠定
邊等八府州縣并永昌道臨安府嵩明石屏二州

祿豐楚雄廣通等縣陸續報有官莊田地并查出
撫標左右兩營亦有新墾官莊連前所報田地合
算計共十一萬四千六百二十九畝零該年收京
斗米穀麥蕎豆二萬四千二百一十五石七斗零
銀二千四百六十七兩七分零除完納條丁秋糧
公費并留給義學束修老丁孤寡口糧外實餘京
斗米穀麥蕎豆一萬二千九百二十九石四斗零
銀一千九百六十八兩六錢零俱應歸公現飭藩

司分析造具清冊詳

題彙入奏銷冊內報銷內臣標陸涼州馬場臣於雍正四年到任後清查本年分已收獲租息銀一千兩至雍正五年分徹底查清年該豆麥變價銀一千六百四十八兩零除完魚課條糧外實餘銀一千四百三十兩業經全數歸公今六年以後應俱照五年收交其各屬官莊租息俱於雍正六年為始入冊歸公至此外或仍有零星未報及已報而

未及造冊者現催清查造冊另報再雍正五年十月內臣查報官莊摺內荷蒙

硃批向聞滇省鎮臣甚苦毫無出息此等營中官莊地畝應賜與營標為養廉者卿當斟酌之欽此臣查滇省提鎮諸臣元年以前原俱豐裕皆因多食空糧收受規禮之故自元年以後漸次減少臣到任之初密查各鎮親丁糧猶有加倍公費糧猶有一百二三十分不等經臣嚴檄通飭并懇切開導二年

以來始無此陋弊計提臣一年所入不及四千兩
各鎮一年所入不過二千餘兩此外原別無出息
而貴州安籠鎮臣蔡成貴向來即無染指清窘尤
甚是以臣於各鎮諸臣凡有調遣及各有事故自
二三百兩以致千兩皆酌行資助在此等官莊地
畝屬營中者合計不及數百石穀米即全數留給
亦無關錢糧但上有私匿下必多影射於清查隱
占一事不無干礙故不若全數歸公使民間不得

藉口仰荷

聖慈垂念邊鎮之苦據臣愚見或於報明公件餘剩歸公銀一萬三千兩內每年各

賜與數百兩添作養廉則感切之餘自必愈知奮惕是
否可行臣未敢擅便合併陳明伏乞

聖主睿鑒臣謹

奏

另有旨諭內閣頒發

同日又

奏為奏明借動庫項收鉛運售獲息情由仰祈

睿鑒事竊照滇省自雍正元年起設爐四十七座鼓鑄制錢需用倭鉛因本地所產無幾購買艱難故於黔省之丁頭山馬鬃嶺齊家灣等處開採鉛廠委蒙化府同知前任晉寧州知州朱源淳前往採買運滇供鑄其廠鉛每百觔黔省例抽課二十觔滇省買價每課鉛百觔丁頭山議定銀一兩六錢齊

家灣議定銀一兩五錢馬鬃嶺議定銀一兩四錢
照數解黔

奏報由來已久迨雍正五年分經臣

題請減爐九座止存三十六爐用鉛既少又值滇之
羅平州屬卑浙塊澤二廠出鉛頗旺運局搭鑄儘
可敷用遂將黔廠之鉛停運第馬鬃嶺等廠俱在
僻壤山路崎嶇難以通商而開採小民又半係赤
貧苦無工本不能久貯每鉛百觔廠價已減至八

九錢一兩不等若不設法收買勢必星散以有效之廠而坐視廢棄實屬可惜是以暫於司庫借動鹽餘銀兩作工本腳價仍委朱源淳收買除課鉛照原定之價解黔報銷外餘鉛按時價收買統運漢口賣給京商所獲餘息儘數歸公自雍正五年二月起至九月止共發過銀二萬兩收獲鉛二百萬零今已運過鉛二十萬約計工本腳價盤費每百觔共銀三兩五錢而漢口之價則係四兩五錢

每百觔實獲息銀一兩尚存鉛一百八十餘萬現
在陸續分路輓運通商照前合算除歸還本脚之
外約共可獲息銀二萬餘兩此後即以息銀動用
隨廠內出鉛多寡儘收儘運無庸再發工本其所
獲息銀俱於歲底

奏報克公至滇省鼓鑄倭鉛每百觔節省銀一兩不
在此數內前已

題明仍留為運錢脚價之用另於鼓鑄案內報銷再

查齊家灣一廠硐老山空無人開採而畢節地方
新出雞廠可以抵補臣現咨商貴州署撫臣沈廷
正會

題所有雞廠鉛課仍歸黔省報銷餘鉛統令滇員買
運餘息歸公庶辦理得以畫一而於錢糧亦不無
小補矣所有借動庫項收鉛辦息原委理合備細
奏明伏乞

聖主睿鑒臣謹

奏

好諭部鈔錄存案矣

雍正六年十一月初十日雲貴總督臣鄂爾泰謹
奏為恭謝

聖恩事雍正六年十一月初五日臣齎摺家奴蒙
恩賞給驛馬齎回

欽賜臣

御服天青寧絀羔羊皮褂一件醬色寧絀羔羊皮袍一

件哈密瓜一圓藕粉八包抵滇臣隨郊迎至署恭
設香案望

闕叩頭謝

恩祇領訖伏念臣盡心竭力情知矢效涓埃而報

國酬

恩實難自安衾影顧幽獨而增慚對

帝天而滋懼覺感頌之詞更不能著一語而回首

殿廷不禁心依而神馳也為此繕摺恭謝

聖恩伏乞

聖主睿鑒臣謹

奏

覽卿奏謝矣

同日又

奏為欽奉

聖諭事雍正六年十一月初一日辰刻准兵部火牌齎

到

內廷發出黃包匣一件內奉

硃諭三道錄示

敕諭一道并石禮哈條奏一摺戶部主事楊秉乾條奏

一摺

硃批石禮哈奏摺二扣

硃諭高其倬石禮哈各一道又陳世倌叅石禮哈鈔摺

一扣臣敬誦

批諭仰見我

皇上慎重邊防軫惜苗命務籌萬全或恐生事之至意
正擬密札張廣泗囑令遵照相機料理同日午刻
適張廣泗差弁來滇敬錄

敕諭并鈔怡親王大學士等公字密示到臣臣隨即日
詳細札覆去訖至本月初五日臣齋摺家奴回滇
前事摺內荷蒙

硃批前因各處奏到已遣廷臣密往張廣泗行營將朕
初意一併備悉諭卿知之矣卿等酌量相機合宜為

之欽此又另摺內荷蒙

硃批古州八萬之舉張廣泗既見不透則此事少急驟
矣再有如此等應整理者當緩一步徐為之雲貴兵
弁甚覺勞苦朕心實為不忍亦即有旨加恩伊等著
候旨行欽此臣伏讀之下不勝感切倍深省惕竊照
張廣泗已平八寨擬赴丹江并湖南派撥預備官
兵應調應停緣由臣已於十月二十日具摺奏

聞茲

欽差翰林牧可登春山二臣現在軍前同張廣泗詳勘
八寨畢業前進凱里相度形勢酌量勦撫仰賴

聖主仁威或易於就緒自應速圖倘進取實難不過勉
強從事即當宣布

上諭徐徐撤兵斷不敢回護前議以致紛擾至前石禮
哈等摺奏臣細看所議皆止就黎平之八萬古州
而言猶多未確查都勻黎平二府連界而由都勻
不能直達黎平者正以丹江一帶生苗橫截道路

並非古州苗界有以隔之也清水江諸水下通楚
之黔陽縣直入大河上通平越屬之重安江並可
至黃絲驛而舟楫不通貨財不廣者則以九股一
帶生苗動刦商旅亦並非古州苗衆有以阻之也
從來富庶之地半少頑民為其身之可愛而欲重
保其貲也今既稱古州富庶更多土產而以燒殺
搶擄等事全以歸之恐事不盡然是以臣於昨歲
委張廣泗親至古州業經招撫而並未科糧編戶

若不欲取者誠欲開通丹江次及九股先沿江設汛俾河路通行然後合八萬古州改鎮添兵以籌長久此黔省百世之利大局所關其苗地些微糧賦並不足以較多寡論有無者也統俟張廣泗等如何料理是否可成臣再詳細商酌籌議善後事宜請

旨遵行抑臣更有陳者苗疆賊藪兵事時有凡有舉動務當示以鎮靜斯可以安民心而一衆志方張廣

泗初進丹江界見苗賊強多恐衆寡不敵或致失
事遂暫退衙門寨以待添兵時省內訛傳張廣泗
乘夜逃遁狼狽不堪行李搶奪一空漢土兵丁傷
亡數十人臣聞信立即差探又接楊天縱札并有
苗賊强悍勝似官兵而官兵鎗械亦不如苗賊堅
利等語臣覆云若果如此則平日所操練者何人
所整備者何器是則提軍之責矣續據沈廷正來
札云密差確探並無此事對敵時傷數人是實餘

俱係謊言臣復經訪問而羣議始息如會勦粵獯
之役所調安籠官兵不過數百人而司道等官俱
倉忙失措議請撥兵五百名移駐安籠又請撥兵
五百名駐防黃草壩派府派廳僕僕道路見臣以
為不可初頗不以為然及不日八達已平官軍回
汛始復帖然無詞凡此擬議雖皆屬慎重急公之
意而上官過於驚慌小民未免惶惑邊荒苗獮之
地尤不可不審處者也相應備陳臣謹繕摺奏

聞統乞

聖主睿鑒

訓示施行臣謹

奏

有旨諭張廣泗矣

同日又

奏為奏

聞事案照叅將新授雲南元江協副將哈元生帶兵前

往阿驢交界阿路嗎地方堵擒川省賊蠻後奉四
川提臣黃廷桂行令撤回於雍正六年九月二十
二日行至阿驢猓古地方忽有阿驢部落糾衆數
千攔阻打仗殺傷弁兵搶奪糧米哈元生設伏夾
攻賊蠻始行敗走臣據申報飛行鶴麗鎮總兵張
耀祖就近調撥官兵星往應援并令該鎮親自過
江調度會勦並咨川省提臣發兵堵擒一面調撥
土兵著令在臣標效力之祿鼎坤管領前往協力

擒勦并查起事緣由去後臣隨於十月二十日具摺

奏明茲據鶴麗鎮總兵官張耀祖東蒙鎮總兵官劉起元及軍前各員陸續呈報並准四川提臣黃廷桂咨會前來該臣查得阿驢地方遠在金沙江外界連川省沙罵等處雖向屬烏蒙所轄久已不服管束素稱野夷前哈元生領兵進勦米貼追至江外阿驢土官方就撫歸誠後哈元生奉調復帶兵

赴江外阿路嗎地方駐劄堵擒雷波賊蠻阿驢土
官曾送牛羊炒麵以為犒軍并幫夷夫擡送軍裝
原極恭敬哈元生亦經賞以銀兩緞疋花紅等物
各皆領謝而去並無動靜祇緣哈元生將阿驢土
官帶於行營聽用其母疑有傷害之意而頭目等
遂言他將土官土目都擒殺完了那裏饒得你我
好也做一出不好也做一出隨令部落夷蠻勾連
親戚藉稱報讐乘哈元生回兵之日糾衆數千重

重圍住行兇截殺哈元生當賊衆圍困時奮勇奪
占山梁率同官兵攻擊二晝一夜始將賊人殺退
即相度形勢擇地于赤衣臺下營旋又攻打賊寨
搜獲蕎糧數百石得以接濟復于十月十四十九
等日分兵搜勦逆猱與官兵對敵被官兵斬首多
人仆巖投江死者不計其數活擒二賊又分路跟
追阿驢夷寨已騰空逃遁查汛逆黨去處俱逃往
阿都阿不囉地方躲避附近阿驢之拉金者呢阿

都並沙罵所屬夷目拖科拖却等皆係阿驢姻親
曾幫兵助惡而拖科係阿驢妻父拖却係阿驢姨
夫尤出死力今新陞肅州鎮總兵王剛奉川提臣
調遣已帶漢土官兵一千四百名于十月初八日
先到赤衣臺原調駐劄以密哥地方堵禦之遊擊
康世顯帶所領官兵沿江而下守備馬似龍帶兵
渡江而上總兵張耀祖因溜筒江險遠在黃平寨
大井壩打造大小船隻率本標兵威寧營兵俱于

十月十八日渡江赴赤衣臺會合其餘調撥滇黔漢土官兵皆計日可到張耀祖等聞阿都夷目乏嗣係接養沙罵土司之子為嗣且係世代姻親阿都夷目倚新撫沙罵土司之勢故敢容留逆黨已商同王剛勒令沙罵土司速赴阿都令伊子沮姑獻出逆黨免其勦戮否則立即進兵擒拏以彰

國法十一月初九日又准川提臣黃廷桂咨商助惡現有川蠻應否分地各勦等語臣已札檄張耀祖

謂造意不自阿驢母得濫行屠戮但殲其渠魁應撫其餘黨并就近與川提臣妥酌去訖竊查野夷不法傷害官兵固應會兵合剿以示懲創但念此事阿驢土官既並無反復亦何必拘留行營即便留營聽用亦應先行曉諭以安夷心續即糾衆圍截意不過為土官又何難將阿驢立放即令阿驢明白開示以散羣夷況哈元生原帶官兵二千一十四員名內除分遣安臺并患時氣染瘴者約數

百人彼衆我寡尤當防備更須權宜乃哈元生奉
檄回兵並不慎重以致陣亡千把四員兵丁四十
餘名雖據稱總因卑職進勦烏蒙米貼殺賊過多
故賊蠻痛恨特來報復等語而自恃勇敢氣高志
滿遂致債事誤師實哈元生有以啓之釁也臣於
兩省將裨凡有寸功皆不敢掩沒凡有大過亦何
敢姑息自應據實

題叅請

旨革職嚴加處分以為輕肆者戒至于哈元生肝膽勇
畧實屬將材前進取烏蒙勦滅米貼皆係首功現
奉

諭旨造冊議敘合無將功贖罪從寬留任以勵後效此
出自

皇上格外隆施非臣所敢擅請者也除俟事竣一併具
題外所有賊蠻起事緣由並現在勦撫情形合再奏
聞伏乞

聖主睿鑒臣謹

奏

朕前已有諭旨料卿必叅奏者以哈元生之任事豈忍將此等事治罪也况朕已用伊安寵總兵矣題到之日朕或令將功贖罪或寬免處分再斟酌有旨

雍正六年十二月初八日雲貴總督臣鄂爾泰謹奏恭請

皇上聖安

朕躬更甚安好卿好麼立春日祭

祈穀壇回卿奏適至誠所謂新春同禧也

同日又

奏為恭逢

聖誕慶覲祥雲事雍正六年十月二十九日恭逢

萬壽令節臣率在省文武官員人等在五華山朝

賀畢坐班至辰刻共覲五色卿雲光燦捧日經辰已

午三時至十一月朔絢爛倍常凡呈現兩日臣尚

以為省城所見其他郡邑未必同然隨經行查去
後適據楚姚鎮總兵官張應宗呈報恭逢

皇上萬壽本職率同在城文武大小官員以及合郡紳
耆兵民人等朝

賀坐班仰見

上天垂象卿雲滿布祥光五色擁護日邊從辰至午燦爛
非常初一日午時煥麗更勝文武兵民咸稱歷來未
覩齊祝

萬壽無疆所關

盛朝祥瑞理合具文呈報又據雲南布政使張允隨詳稱查據楚雄府楚雄縣廣通縣姚安府姚州大姚縣定邊縣等處先後呈報恭逢

皇上萬壽聖節喜見卿雲五彩擁護日邊經辰巳午三時於十一月初一日午時又復光華照耀衆目齊觀不勝歡忭此從古未有之殊觀曠代罕聞之盛事幸生

聖世得觀奇祥伏乞轉詳各等情到司伏查省城乃全

滇之會楚姚為兩逆之中忻逢五色祥雲正當

萬壽令節此誠嘉徵上瑞罕見稀聞理合具詳祈請轉

奏等情到

臣臣謹按黃帝有景雲之應虞舜有卿雲

之歌瑞應圖曰慶雲者太平之應孝經援神契曰

天子孝則慶雲見春秋感精符曰南至有雲迎日
年豐之象再考雲南通志漢武元狩元年有五色
雲見于白崖遣使跡之至大理屬之雲南縣雲南

由是得名其後歷晉唐宋元史不再書至明洪武
嘉靖間五色雲見于永昌其餘或一二見半屬彩
霞亦不移時而散惟我

聖祖仁皇帝二十一年五月彩雲見于雲南縣十月五色
雲復見于楚雄府是年雲南悉平歷數從前要皆
太平寧謐時和年豐之兆至于恭逢

聖誕呈現三時歷現二日稽諸簡冊從未有如

今日者也欽惟我

皇上大孝格

天與穹蒼而協撰至明如日並雲漢以昭回先天後天合
德而自呈符驗陽月良月應時而迭著庥徵覩盛
事于五華鵷鷺貔貅宛在蓬萊之島紀嘉辰于六
詔山川城郭畢收圖畫之中兒童引領以稱奇父
老駢肩而誌喜屢豐預卜願大有遍一十五州衆
口同聲祝吾

皇臻萬八千歲臣無任懼忭無任感激業經恭疏

題報在案續又據順寧府知府傅達具報十月二十

九十一月初一兩日五色雲見所報與各處相同

是合計雲南同日現瑞者共四府三縣稽諸簡冊

尤屬從來所未有者也臣於冬至後曾親出郊外

巡視村莊見百姓家門外各有稻穀堆場婦子顏

色甚舒而天氣清明景象和藹田中豆麥已青翠

此真祥瑞也

盈尺據農民口稱明歲春熟可保十成且自半月

此實在祥瑞也

以來軍前勾當皆陸續報捷而投誠者亦衆是五

色雲瑞兆驗非虛矣敬念我

皇上慎籌邊計勤念民依一誠相通無遠弗届用敢瑣
屑繕敘一併奏

聞伏乞

聖主睿鑒

臣謹

奏

朕每遇此祥瑞蒙

上天慈恩豈有不感喜之理然實絲毫不敢慶幸惟倍加

敬畏之心況此嘉祥實係卿忠誠所感而獻於朕壽日者正表卿愛戴之心也

天理二字朕實見得透信得及

上天以卿如此不世出之良臣賜朕此朕之真祥瑞也歲前冬初聞卿每患脇痛少覺氣弱朕思此皆憂思之所致朕至不忍有諭慰問蓋以諺語云心病還須心藥醫若邀

上天慈恩

聖祖賜佑各處軍役就緒時我鄂爾泰自然全愈非目下
空言慰問所能解者所以忍而未頒諭問今

天

祖慈佑三處俱陸續報捷又覩此罕遇之嘉瑞想卿必然
心怡神暢諸微疾得全愈矣目下卿體如何去冬不爽
時如何光景可據實奏朕莫隱凡人能一念專誠聚精
會神勤勞二字實不妨然憂心焦思則萬萬不可且亦
於事無濟當切戒之況世情冷暖人事叅差明天理達

人情者有幾只可盡一己之心以對越

上天則修齊治平之道俱備於中矣其他入海算沙之類
又何足與較凡事當酌量精神體察能否不可任力不
能勝之事不可費思所不及之心夜眠若稍覺不靜日
食若稍有不美則當慎節而不可勉強從事也可必遵
朕諭行

同日又

奏為恭謝

聖恩並陳愚悃事雍正六年十二月初二日准兵部咨

奉

旨廣西地方離廣東總督駐劄處較遠與滇黔兩省相近著鄂爾泰總督雲貴廣西三省一應軍民事務俱照總督之例管轄欽此欽遵到臣臣即恭設香案望闕叩頭謝

恩訖伏念臣叨荷

殊恩無可言說竭蹶奮勵惟當終身以之竊思廣西重

地穰穰環居而吏治因循營伍廢弛實由來已久
在地方情形原與雲貴少別則措置緩急亦應與
雲貴有異若狃于姑息固足以養姦倘過于嚴切

又或致債事臣務當凜體

御目

有次第料理措置之道實不煩朕南顧之懷也但

聖訓

一切從緩料理與粵西撫提二臣和衷同商心存

念卿

心神之過勞不免惓惓而不忍耳然念及

整頓事出安詳必先肅清吏治精練營伍俾恩有

天道想

上蒼

可懷威有可畏然後申明法紀剪除兇頑庶一二
年內或可漸次就緒至于振作調劑固須立法尤

聖祖

自

然

鑒

估

必

賜

助

益

精

力

心

神

安

泰

也

○

○

○

○

○

此意

重

得

人

在

廣

西

官

吏

自

無

不

可

用

但

○

○

○

○

○

事

及

如

何

料

理

之

處

粵

員

未

即

深

知

若

一

有

揣

摩

○

觀

望

更

于

事

無

濟

相

應

懇

請

聖鑒

將

雲

南

按

察

司

元

展

成

調

補

廣

西

將

廣

西

按

察

好

二

人

互

調

甚

合

朕

意

已

有

旨

矣

路

途

遙

遠

且

不

必

來

引

見

著

赴

新

任

料

理

一

二

年

再

著

來

見

朕

常

安

臣

亦

可

為

引

導

之

資

一

轉

移

間

似

兩

有

裨

益

其

元

展

成

所

管

錢

局

銅

廠

亦

屬

緊

要

但

新

任

糧

道

亦

有

旨

矣

三

省

官

員

卿

可

酌

量

人

地

相

宜

者

只

管

一

黃

士

傑

心

地

才

具

皆

可

以

接

辦

臣

等

更

就

近

指

示

調用署理一面請旨
是如費金吾唐綏祖之調東省即此意也我君臣實可
補數員以備委任容臣詳慎酌擬陸續請
謂知心有慶如之
旨如蒙

俞允將元展成調補懇祈

敕部令元展成赴京引

著他奏摺來人令到怡親王處轉奏朕隨事批諭訓勉

見俾得親聆

之料伊必能領會也

聖訓再赴粵任庶元展成更有長進而感激奮惕愈知

所以自立矣再貴州苗疆事宜臣擬親往辦理是

以前經

奏明茲因新陞貴州撫臣張廣泗尚未接任雲南撫

應如是原因卿有侯張廣泗回任親到黔省會商之奏

臣沈廷正奉

所以降有前諭觀目下情形金鉞實不便歲前來黔

旨暫署黔撫事臣現兼管滇撫印務猶未敢擅離且廣

亦不便離滇也卿當相機為之再雲南路遠諸如此類

或朕有諭或卿有奏其中有時勢更易之處不可拘執

赴黔臣已咨會廣西撫臣金鉞俟其酌定起行日

已奉旨已奏請之見如哈元生等之復往會勦此即因

期移覆至日臣即先期前赴貴陽辦理黔事再將

路遠朕未聞已撤兵之調遣也及至已開復發後論而

粵省一應事宜與金鉞面商妥議次第料理庶兩

張耀

祖哈元生神又令其起行矣以致復有此一事我

君臣

無岐誤至滇黔漢土兵丁年來屢次出師奮勇效

當深以為戒者

力殊多勤勞臣以德薄才疎不能化導致頻煩軍

旅動至摧殘每聞報官兵傷故苗民屠戮事捫心

自問且慚且懼茲奉

何何

旨著動正項銀十萬兩交與臣酌量分別賞給其征勦

八達寨之官兵兵丁中有陣亡受傷者已令加恩優

卹仍照例給與卹典賞賚

殊恩曠典實亙古未有臣傳集將弁兵目宣布

皇仁在事者涕零與聞者泣下臣現在檄行雲貴各標

鎮協營將節次出征之漢土官兵確查造冊內有

臨陣傷亡及染瘴病故者

軍前病故三役官兵皆著以陣亡例賞

逐一註明俟冊報到日

卹已

有旨矣

分別賞給其征勦八達寨陣亡受傷之官弁兵丁

另行造冊送部所有此案統兵失利調度失宜之

提鎮等官功罪輕重自應分別定議但廣西提督

田峻已于十月十八日在署病故右江鎮總兵官

段宗岳前在軍前染瘴亦于十月十四日在署病

故似應邀

應

如是者其中儘有可起之情然兵丁將弁不可如滇

恩

均予免議合先聲明除恭疏奏謝

兵丁將弁不可如滇

黔一例加恩也

天恩

外謹此繕摺恭謝

聖恩並陳愚悃伏乞

聖主睿鑒

批示施行臣謹

奏

覽

同日又

奏為分兵進剿阿驢等處逆蠻情形事竊照阿驢部
落乘叅將哈元生從川省地方撤兵而回糾眾攔
截打仗殺傷弁兵臣聞報調撥漢土官兵堵擒協
剿賊寨騰空逃往阿都阿不囉地方躲避附近阿
驢之拉金者呢等皆曾幫兵助惡并哈元生擅帶
阿驢土官隨營行走以致生疑啓釁各緣由俱經
具摺奏

聞據鶴麗鎮總兵官張耀祖呈稱本職于十月二十四日抵雜羅古地方會同肅州鎮商得阿驢逆蠻雖已逃遁無非潛匿川滇接連地界內除首惡者呢已誘擒外其餘如在滇省者本職派遣官兵搜剿入川者移會川提發兵撲滅庶三省官兵得免耽延時日已咨會川提准川提臣黃廷桂咨覆川省分兵五路進攻阿不囉本職即于十一月初七日遣叅將哈元生帶領官兵由中路進剿者呢遣威

寧營叅將楊馥帶領官兵由左路進勦以呢遣貴
州提標遊擊卜萬年帶領官兵進勦拉金兼于溜
索河補凹一帶堵截通阿都路徑派大定協遊擊
張世傑帶領官兵于三路策應本職統領官兵駐
劄務都特適中之地調遣至沿江南岸與阿不囉
等處所通地方移咨東蒙鎮派兵遊巡堵截又調
東川營叅將祝希堯帶兵于巧家一帶駐劄堵截
等情又准四川提臣黃廷桂咨稱本提督酌量程

途遠近令遊擊張朝良帶官兵隨肅州鎮于十一月初十日由拖科勦入至阿不囉會攻令副將張瑛帶官兵由覺覺過河進勦至拖覺底會合直搗阿不囉令遊擊馬光等領官兵由扭姑勦入至易磨會合令遊擊許連科帶官兵由勻勻殺入阿不囉令遊擊王勇帶官兵由木托進攻本提督同建昌鎮率兵由扭姑中路前進四面督催接應十一月二十五三十等日又據張耀祖咨呈據叅將楊

馥報稱遵領官兵抵以呢路巫地方連攻三寨與賊對敵官兵奮勇追殺賊蠻數十活擒男婦十五名口逆賊以呢並無踪影本職又差守備馬似龍領兵于簸羅箐搜勦據稱有阿驢逆蠻前來抵敵官兵奮勇殺死賊人三十餘名活擒九名呈解到營嚴訊各賊并令阿驢者呢識認俱係幫殺官兵之賊即于是日斬示據叅將哈元生報稱遣守備王廷標帶官兵跟追逆賊卑職隨後策應追至特

衣庫坐夷逆聚集坐上拒敵官兵攻取賊放擂石打死兵丁一名土兵一名帶傷把總一員胡亮帶傷兵四名餘俱奮勇直上始奪第一層坐口殺傷賊衆仆岩滾箐不計外生擒賊蠻三名男女二十四名口所獲賊蠻訊明係殺害官兵之犯即斬首示衆據遊擊顏文選報稱帶兵搜查溜索河一帶于山箐深處見有裸賊逃匿上前擒拏賊等敢放箭石兵丁齊上擒獲裸賊一名婦女四口又據叅

將楊馥報稱分遣官兵至脚曲箐內搜勦活擒賊
蠻男婦二十五名口又鎗傷一名滾岩二名所獲
賊蠻俱禁守行營又准四川提臣黃廷桂咨開准
肅州鎮咨稱密派所帶官兵分勦據守備賈成林
帶兵前赴易磨賊蠻逃遁于箐內密搜遇賊百十
餘人被官兵斬殺四十三名擒獲蠻婦二十六口
遊擊張朝良帶兵前抵易磨結業賊窠賊等俱逃
跟踪追殺至卑奚山箐見夷獍躲藏在內恃險抗

拒被官兵攻擊殺賊六七十人獲男婦三十一名
口本鎮暫居易磨分躡逆夷潛伏巢穴據守備賈
成林由別哺加樂蠻寨石山直上見有蠻人數百
即督兵撲殺斬首五十餘級飛岩者大半餘奔下
山撲入河內生擒蠻婦小子五名口本鎮自易磨
起營師次山頂箐邊躡有踪跡隨督遣弁兵環堵
箐林搜殺賊三十七名生擒蠻婦四十四口遊擊
張朝良帶兵至阿布切樂見賊百十餘人令兵圍

殺夷蠻抗拒被官兵斬殺五十八人鎗打死三十
五人據副將張瑛帶兵抵羅喜朶喇圭賊寨分兵
窮搜殺死四十餘名進擊王安民將贓厄潛伏之
夷搜殺三十餘名至拖覺同王安民沿途搜勦于
各箐搜殺賊蠻百十餘人又遣官兵分勦拖覺底
各寨十二處搜殺阿都頭目咱乃攝飛一名賊蠻
一百有餘捉獲男婦一百二十八名據遊擊馬光
等領兵進至加普異角蠻人逃遁連夜追至易磨

蠻賊亦皆逃遁分兵搜捕計殺猺蠻十二人生擒
二名訊知猺賊聚潛拖覺一帶連夜進攻一夜連
破猺蠻一十三寨又至拖覺溝破猺蠻九寨共殺
賊二百餘人活擒男婦一百三十名口遊擊沈國
卿亦于是夜分遣官兵一齊進攻突出猺賊百十
多人我兵併力攻擊截殺四十餘賊活捉男婦四
十七名口又搜至絳葛易裏磨箐內捉獲猺蠻二
名偵知前箐聚賊分兵殺入惡蠻蜂擁拒敵自辰

至酉斬殺二級傷死約一百多人直殺至阿波羅
囉務地方猓賊潰散又據張耀祖報稱千總林發
正等前往拉金地方搜擒殺死逆賊一名又進施
落大箐有賊蠻拒敵官兵殺死逆賊三十餘名擒
獲男婦十九名口據遊擊顏文選等搜至得泥箐
見有猓賊二百餘人手持弩弓拒敵官兵鎗礮打
死七十餘人生擒夷賊一名扭租審係阿驢部落
各等情到臣該臣查得阿驢部落糾約川蠻擅敢

截殺官兵本應盡行勦滅祇緣事有由起非苗蠻
積謀倡亂臣是以咨會川提臣黃廷桂照會總兵
張耀祖等切囑但擒首惡應招其附從詎意三省
官兵齊集提鎮俱已親臨而烏徠川蠻毫無畏懼
仍敢四出拒敵是兇頑橫肆非僅有以激成隨據
川省分兵五路滇黔分兵三路各于境界內密布
勦擒現在首惡者呢已經擒獲適據探報拉金兄
弟二人并家口亦俱就擒而各處賊蠻被官兵斬

殺捕獲者甚衆今始有望撫之意是止有首惡拉
金拖科等尚竄匿川界而川提臣黃廷桂等勒令
搜擒不遺餘力諒無所逃遁臣據張耀祖等札稟
似可不日竣事除俟獲到首惡商定善後事宜撤
師回汛另行

奏報外合將分地進剿情形再行奏

聞伏乞

聖主睿鑒臣謹

奏

此一番事乃朕調遣錯失之所致然看此惡逆兇悍情形若不復加懲治恐將來亦未能保其無事此乃

上天默示潛消之恩轉禍為福之舉也朕不勝欣悅之至
在事官兵甚屬可嘉事畢自有恩旨

同日又

奏為報明克取江壩情形事竊照檄欖逆夷蠢動經

臣檄調官兵進剿并札致提臣郝玉麟親往調度

節次具摺

奏明續據臨元鎮總兵官孫宏本咨呈內稱自到猛
養遵照札囑慎重料理今各處官兵俱到行營訂
期于十一月十三日寅時三路一齊進勦密令遊
擊施善元帶領官兵攻整板慢腮小猛崙直抵檄
攬壩令守備朱琦帶兵由整板前進叅將邱名揚
遣守備李定海帶官兵自攸樂起程由原躡山箐
遶出慢賴守備裴弘道由大路直攻慢賴約定大

礮一響然後首尾夾攻此路攻破均趨赴整哈除
搗賊巢穴另遣遊擊郭佑民帶官兵自猛養由九
龍江奪取大渡口遣遊擊馬成林帶官兵攻取小
渡口因九龍江大小兩渡之間有一沙洲林木叢
雜內有賊人房屋恐逆夷暗由沙洲岔河抄出以
襲我兵之後遣守備鄧士彥帶官兵直抵岔河以
遏賊人來路又檄攬壩沿山沿箐有崎嶇鳥道可
通猛養恐賊暗來偷襲遣把總湯德新帶鎗手兵

丁前往通達猛養攸樂總路埋伏又遣遊擊徐成正帶領官兵由小路過渡先遶至九龍江直搗賊巢本職帶兵駐劄猛養調度等情隨據遊擊施善元報稱卑職遵帶官兵于十一月十一日直抵猛崙午刻到上江渡口有賊人二三百潛匿樹林吹起牛角齊來拒敵卑職令兵丁齊放鎗礮打傷賊五六十人又令官兵往下江渡口齊放鎗礮打傷賊三四十人看賊衆散亂乘勢一齊過水隨奪得

下江渡口而守備朱琦亦于十二日奪取整板渡口鎗礮打傷賊數十人十三日率兵渡河等情又據施善元稟稱十三日進攻猛崙蠻允蠻蚌等寨賊人俱已逃遁直至慢整邊有賊五六十立柵阻我官兵隨即追趕打傷六人賊自放火燒寨逃散卑職直進猛崙賊人聞風逃竄十四日前進猛寬賊人亦皆逃散十五日抵檄攬壩賊巢有一千餘賊潛匿寨柵齊出拒敵卑職令守備保瑄等帶領

官兵分中左右三路殺出卑職督令官兵齊心努力自辰對敵至未打傷賊人無數割首級七顆是晚更盡守備朱琦攻破整板河口帶兵督糧到營十六十七兩日遊擊黃忠耀等俱領兵來到十八日分三路進攻賊巢杳無人跡令兵各路搜查拏獲夷人七名檄欖壩地方俱已克取等情又據遊擊徐成正稟稱抄渡九龍江之上流喇卡江出猛海深入賊巢沿途坐卡七處每處有賊數十人及

百人不等卑職督兵奮勇擒賊四起共擒賊十七
名過卡出箐而一出箐口復遇賊衆交鋒我兵嚴
整飛衝大渡口大施礮火打死賊一名打傷三名
又擒獲兇賊一名登時梟首其餘獲賊七名解交
提督行營九龍江已克等情茲准提臣郝玉麟咨
稱十一月十六日已抵攸樂據遊擊施善元等稟
報逆賊俱有望撫之心惟是畏懼不前拏獲擺夷
數人並江西客人一名皆云若提督到來我們俱

出投見本提督若不親往招安見機行事恐夷衆
又被狡賊煽惑今帶領本標官兵于二十日前往
檄攬壩相機勦撫有一緬和尚投見據云情願寫
緬文招來夷民等語本提督即賞花紅令其前去
一面遣員赴檄攬壩江邊紮造竹筏二十二日寅
刻親到江壩彼岸並無一賊我兵占踞江干搜獲
牛尾礮三十四位查檄攬壩逆夷俱已勦散九龍
江一帶又為徐成正等克取逆賊聞風膽破魂飛

縱有一二首惡隱匿偷生料難漏網等情各到臣

該_臣查得檄攬壩逆賊不法藉稱代刀正彥報仇

糾脅夷衆放火打仗_臣遣發官兵勦撫因值災瘴

未消時疫流行漢土兵丁半多染病是以_臣行總

兵官孫宏本叅將邱名揚令各暫時固守勿得妄

動俟續撥官兵到日合攻今于十一月初旬各路

官兵雲集孫宏本隨遣分路進勦于提_臣郝玉麟

未到軍營之先而檄攬壩九龍江一帶即經克取

惟首惡緬和尚八護等尚未就擒宣慰司刀金寶
被賊逼脅猶未見投謁除咨提臣郝玉麟剴切出
示遍行曉諭只將首惡數人務須搜獲其被脅從
餘黨概予招安慎毋濫行勦戮一俟平靖多留官
兵駐劄彈壓以杜後患外所有據報克取江壩情
形合再奏

聞伏乞

聖主睿鑒

臣謹

奏

欣悅覽之觀此各役將弁之效力用命回思皆我

聖祖君父皇考六十年深仁厚澤教養之所致實不禁喜
淚交流惟嘉獎憐憫慶幸之外無可批諭也

同日又

奏為報明克取丹江情形事竊照貴州陞任按察使
張廣泗帶領官兵招撫黔屬生苗八寨九股等處
俱經就撫惟丹江一帶頑苗復勾結八寨向化之

苗抗拒官兵張廣泗先攻破八寨反復之也告等
寨再議開通丹江以及湖南先發之兵止須駐劄
鎮遠遙為聲勢

欽差收可登春山已至軍前查勘情形各緣由經臣

奏明續據張廣泗呈稱本司帶各路官兵齊集本應
即進丹江但念苗民愚頑不悟或係化導未周是
以敬體

皇上如天好生之仁復多遣通事前去宣諭利害彼等

全無悔心且將願投撫之烏留寨男婦擄去斷難
寬容查丹江一處居中則為大丹江其左則為小
丹江其右則為雞溝而烏耶地方乃扼要之所本
司親率安籠鎮標遊擊田昌友貴陽營遊擊史應
貴等帶領官兵于十一月十一日前進烏耶駐劄
又有抱得一處為丹江要徑派令鎮遠協副將張
禹謨等帶領官兵于十二月從烏留取抱得山至
大丹江會合并飛檄左路駐劄之定廣協副將蘇

大有等帶領官兵亦於十二日從枯桶進攻小丹
江俾兗苗四下受敵不能準備等情又據副將蘇
大有稟稱卑職自八寨起營至烏高十二日分兵
兩路左路由蜂塘寨直抵枯桶前面右路抄枯桶
後尾其枯桶各寨頑苗俱已逃遁十三日撥土兵
于要路安設三卡以待果有頑苗來寨搬取米糧
坐卡土兵放弩打傷頑苗四名十四日率官兵將
運糧路徑焚搜有苗四五百于山梁上放鎗吶喊

兵丁放鎗對敵大礮打死數名頑苗即拉扯背負
逃去隨密差前往丹江探聽險要處俱築土城蓋
有草棚拒守十五日過枯桶至石板寨山後頑苗
拒阻官兵鎗礮攻打苗賊潰敗衆兵正在躡路下
營有頑苗千餘蜂擁前來分兵對敵追至坡下埋
伏帶兵佯敗頑苗尾後追趕伏兵即起鎗傷苗賊十
餘名苗復潰敗等情又據副將張禹謨呈報奉令
帶領官兵進取烏留抱得直抵大丹江遵於十

一月十二日駐開懷寨對山十三日令守備梅先春等各帶兵分左右路密進烏留夾攻其寨卑職率將備由中路繼進攻取殍刻俱抵烏留寨賊苗預將眷口搬移官兵臨寨賊苗占寨後山梁對敵官兵奮勇直上將賊穴燒燬賊苗退奔乘勢即攻抱得苗復拒敵鎗礮打傷數賊將抱得燒燬三寨十四日發兵搜山十五日官兵至抱得查烏留抱得之苗俱竄囊猛囊堯二寨如發兵遽取抱得對

山險峻賊苗阻守高嶺後即大丹江囊蕩谷裸賊巢恐其襲我之後是以令凱里苗兵先前往抱得附近招撫然後攻取囊猛囊堯後取高嶺進大丹江等情又據遊擊田昌友報稱遵於十一月初十日自凱里帶兵十一日駐劄排洛張撫院于十二日亦抵排洛遙見對山苗賊日則舞刀呐喊夜則明火守路蒙諭同遊擊史應貴于十三日帶兵分奪左右山梁卑職帶官兵奮勇直上已奪右首山

梁即係丹江總口令把總張明定割此復又分兵
搶奪前面山梁值史應貴亦到會合即駐劄丹江
頭一關口聞後面鎗礮之聲令把總李國寵等帶
兵應援據稱丹江頑苗爭奪山梁被把總張明定
殺退據張明定稟稱有苗四五百爭奪山梁我兵
對敵傷死頑苗甚多餘衆敗回對山張撫院于十
四日亦抵丹江頭一關口令把總謝遶中等占奪
丹江總口對面山梁據稟路遇苗賊數百交陣鎗

礮傷死苗二十餘名有頭關賊苗四路猖狂奉令
分兵堵截鎗礮傷死賊苗多人餘黨潰散等情又
據遊擊史應貴稟稱卑職同田遊擊隨張撫院帶
兵由凱里右路而進搶登烏耶寨大山梁子卑職
督令官兵于巳時搶上七處劄營是夜頑苗數百
前來對敵鎗礮打死十數人帶傷三四十人十四
日張撫院到梁子駐劄頑苗千餘人來對敵鎗礮
打死十數人敗去十五日張撫院踏看頭道梁子

礮臺苗衆聚集對敵令卑職帶兵親往把守此關
逆苗千餘前來鎗礮打死多人始行敗退十六日
賊苗在彼山梁吶喊復來打仗卑職率領官兵施
放鎗礮四路伏兵齊出又打死多人敗退十七八
等日賊苗只在對關虛張吶喊張撫院因張副將
由中路烏留所進之兵未見速進十八日親往烏
留至抱得行營會商令卑職等且勿妄動俟張副
將等會合進取大丹江再進兵奪取關口等情又

據蘇大有報稱十六日申時苗賊于四處吶喊卑
職帶兵前去誘敵仍于兩肋埋伏兵丁卑職佯帶
兵退回頑苗約有五六百四處追來伏兵齊起卑
職復回督令官兵奮勇攻擊鎗傷頑苗十餘名賊
苗敗走有大定協把總馬國良帶兵殺死賊苗三
名十七日因雪雨霧重未便進兵十八日卑職等
往附近烏疊一帶山梁察其虛實有苗賊千餘放
鎗吶喊四山撲來卑職分兵攻擊從辰至午半敵

半誘於兩肋埋伏兵丁卑職仍作佯敗之狀苗賊
隨後追來伏兵齊起卑職回兵施放平逆大礮打
死苗賊數名鎗礮共傷數十名賊苗潰逃回守土
城二十日卑職等分為四路于五更時起發前去
攻打丹江有苗賊千餘在頭關土城堞口內打鎗
拒敵卑職用大礮攻打土城堅固從黎明至辰難
以攻破卑職親督備弁兵丁冒險逼近土城乘隙
越進殺死苗賊四十五名弁兵復奮力追趕連破

土城五座直追至小丹江之烏疊寨又殺死苗賊
二十一名卑職督令放平逆靖蠻大礮打死苗賊
數十直抵巢穴苗賊俱敗潰逃去隨將小丹江之
烏疊大小八寨燒燬次日移營至小丹江駐劄所
有開闢破寨情形理合飛報等情又據鎮遠府知
府方顯稟稱九股清水江一帶生苗地方遼濶卑
職多遣土官人等分道前往化誨除已招之四千
四百七十餘戶外今復招撫得一千零二十一戶

賞以花紅銀牌酒食苗情甚是踴躍聞風而來者
紛紛將來所遣之人回覆又可得數千戶附近鎮
遠九股清水江一帶生苗不難就緒等情各到臣
至十二月初六日臣差探軍情弁員回滇據其口
稟並接張廣泗手札與各員稟報無異該臣查得
丹江生苗恃險負固兇頑異常雖屢經招撫剴切
化道不但不知感悟亦且毫無畏懼若非大加勦
除必致更貽後患今自三路進兵不及旬日小丹

江一帶俱已到處成功軍威大震賊苗喪膽雖據
各員稟報苗人有饒命就撫之請正復未可輕信
隨其緩計現已布置進取大丹江料不日可以全
勝況古州八萬畧無反復九股清水江生苗已投
誠五千數百餘戶只俟丹江一定其餘皆易就緒
仰賴

聖主仁威歲內或可以報竣矣其湖南先發之兵一千
名已調至鎮遠駐劄遙作聲勢統俟事畢再行遣

回至苗疆軍營一切情形

欽差牧可登春山二臣皆已親見深知伊等不日回京
復

命自能面陳詳細無庸臣多贅所有官兵克取小丹江
緣由合再奏

聞伏乞

聖主睿鑒臣謹

奏

此事實皆

天

祖之慈恩卿等忠誠用力之所致建此從古未有之奇勲
惟邊方萬姓之永患朕嘉幸之懷筆難宣諭其善後事
宜當詳慎料理惟以重兵彈壓為要不可惜費省事待
數年安帖時量減不遑也

硃批諭旨卷一百二十五之九